

# Qishloq hayoti

2014 йил Соғлом бола йили

Қишлоқ ҳаёти

Ўзбекистон Республикаси ижтимоий-иқтисодий газетаси

www.qishloqhayoti.uz

2014-ЙИЛ 20-НОЯБР, ПАЙШАНБА, 138 (8375)-сон

1974-йил 1-январдан чиқа бoshлаган  
Bahosi kelishilgan narxda.

## ШВЕЙЦАРИЯ ПРЕЗИДЕНТИНИНГ ЎЗБЕКИСТОНГА ТАШРИФИГА ДОИР

Швейцария Конфедерацияси Президенти, ташқи ишлар вазири, Европада хавфсизлик ва ҳамкорлик ташкилотининг амалдаги раиси Дидье Буркхальтер 2014 йил 21 ноябрь куни мамлакатимизга ташриф буюради.

Ўзбекистон Республикаси Президенти Ислам Каримов билан учрашувда Ўзбекистон ва Швейцария муносабатларининг бугунги ҳолати ва ривожланиш истиқболлари, ЕХХТ доирасидаги ҳамкорлик масалалари, долзарб минтақавий ва халқаро муаммолар муҳокама қилинади.

## Олий Мажлис Қонунчилик палатасида



## ДАВЛАТ БЮДЖЕТИНИНГ 2014 ЙИЛ ТЎҚҚИЗ ОЙИДАГИ ИЖРОСИ КЎРИБ ЧИҚИЛДИ

19 ноябрь куни Ўзбекистон Республикаси Олий Мажлиси Қонунчилик палатасининг навбатдаги мажлиси бўлиб ўтди. Унда депутатлар Ўзбекистон Республикаси Давлат бюджетининг 2014 йил тўққиз ойидаги ижроси тўғрисидаги ҳисоботни кўриб чиқдилар. Ушбу масала юзасидан молия вазирининг ўринбосари М.Мирзаев маъруза қилди. Қонунчилик палатаси Бюджет ва иқтисодий ислохотлар қўмитаси раисининг ўринбосари С.Отмуратов кўшимча маъруза билан сўзга чиқди.

Давлат бюджетининг ҳисобот давридаги ижроси барча сиёсий партиялар фракциялари ва Ўзбекистон Экологик ҳаракатидан сайланган депутатлар гуруҳининг, Олий Мажлис Қонунчилик палатаси бир қатор қўмиталарининг мажлисларида Молия вазирлиги, бошқа манфаатдор идоралар вакиллари иштирокида олдиндан муҳокама этилди. Муҳокамалар чоғида мамлакатимизнинг бош молиявий ҳужжати ижро этиш механизмини янада такомиллаштиришга қаратилган талай амалий таклифлар билдирилди.

Қонунчилик палатаси мажлисида Ўзбекистон Республикасининг Давлат бюджети 2014 йилнинг тўққиз ойида аввал Ўзбекистон Республикаси Олий Мажлиси томонидан тасдиқланган параметрларга мувофиқ ижро этилганлиги таъкидланди. Вазирлар Маҳкамасининг жорий йил январь ойида ўтказилган мажлисида Ўзбекистон Республикаси Президенти Ислам Каримов томонидан белгилаб берилган 2014 йилда мамлакатни ижтимоий-иқтисодий ривожлантириш дастурининг энг муҳим устувор йўналишларини аниқ мақсадни кўзлаган ҳолда амалга ошириш ҳисобот даврида иқтисодиётнинг изчил равишда ўсишига ва макроиқтисодий барқарорликка хизмат қилди. Бу даврда ялпи ички маҳсулотнинг ўсиш суръатлари 8,1 фоизни, sanoat маҳсулоти ишлаб чиқариш ҳажмларининг ўсиши 8,4 фоизни, қишлоқ хўжалиги маҳсулотлари етиштириш ҳажмларининг ўсиши 6,8 фоизни, чакана товар айланмасининг ўсиш суръатлари 14,2 фоизни ташкил этди. Мамлакатимизнинг асосий молиявий ҳужжати ҳисобот даврида профицит билан бажарилди.

Машинасозлик ва металлга ишлов бериш, қурилиш материаллари ишлаб чиқариш, енгил sanoat, тиббий, озиқ-овқат sanoati, қора металлургия sanoati изчил ривожланди, уларнинг sanoat ишлаб чиқариши умумий тизимидаги улуши ўтган йилнинг шу даврдагига нисбатан кўпайди.

(Давоми 2-саҳифада)



## БОЛАЛИК ВА ДЎСТЛИК БАЙРАМИ

«Истиқлол» саройида «Камалак юлдузлари» республика болалар ижодиёти фестивали ғолибларини тақдирлаш маросими ва тадбир иштирокчилари ижросида гала-концерт бўлиб ўтди.

Президентимиз Ислам Каримов раҳнамолигида юксак маънавиятли, соғлом ва баркамол авлодни вояга етказиш, ўғил-қизларга жаҳон андозалари даражасида таълим бериш, уларни буюк аждодларимизга муносиб инсонлар этиб тарбиялашга муносиб эътибор қаратилмоқда.

«Соғлом бола йили» Давлат дастури ҳамда давлатимиз раҳбарининг 2014 йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган кўшимча чоратadbirlar тўғрисида»ги қарори бу борадаги ишлар кўламини янада кенгайтиришда муҳим аҳамият касб этмоқда.

«Камолот» ёшлар ижтимоий ҳаракатининг «Камалак» болалар ташкилоти, Ўзбекистон Республикаси Халқ таълими, Маданият ва спорт ишлари вазирликлари, Бадиий академия билан ҳамкорликда ўтказилаётган «Камалак юлдузлари» республика болалар ижодиёти фестивалидан кўзланган асосий мақсад ўғил-қизларнинг қобилиятини эрта аниқлаш, уларнинг таълимдан ташқари вақтини самарали ташкил

этиш, санъат воситасида навқирон авлод қалбига эзгу ғояларни чуқур сингдиришдан иборатдир.

Бу йилги фестивалда 6-15 ёшли иқтидорли болалар ўз маҳоратини намойиш этди. Фестивалнинг саралаш босқичларида ўқувчиларнинг мумтоз ва миллий musiқа чолғулари ижрочилиги, анъанавий ва академик хонандалик, хореография, тасвирий ва амалий санъат, наср ва назм йўналишидаги истеъдод ва маҳорати таниқли санъаткор ва мутахассислар томонидан баҳоланди.

15-19 ноябрь кунлари фестивалнинг якуний босқичи юксак савияда ўтди. Унда 700 нафарга яқин ўғил-қиз Ўзбекистон давлат консерваторияси, Ёшлар ижод саройида турли номинациялар бўйича ижодий салоҳиятини намойиш этди. Фестиваль доирасида болалар ижодиётига оид бадиий кўргазмалар, концертлар, моҳир хонанда ва созандалар, musiқачилар, мусаввирлар, болалар ёзувчи ва шоирлари иштирокида маҳорат сабоқлари ўтказилди. Музейлар, театрлар, кўргазма заллари, маъна-

вият ва маърифат масканларига, истиқлол йилларида бунёд этилган ижтимоий-маърифий объектларга саёхатлар иштирокчиларда ёрқин таассуротлар қолдирди.

– Фестивалда «Сўғдиёна» ансамбли таркибига «Табассум», «Севинч», «Ўзбекистон – гулзор» каби куй-қўшиқларни ижро этдик, – дейди Андижон вилояти Жалакудук туманидаги 13-болалар musiқа ва санъат мактаби ўқувчиси Мухлиса Машрабова. – Тадбир давомида юртимизнинг турли ҳудудларидан келган болалар ижодидан баҳраманд бўлдик. Устоз musiқачилар иштирокидаги маҳорат сабоқларида қатнашдик. Булар келгусида ўз маҳоратимизни янада оширишимиз ва янги-янги ютуқлар сари интилишимизда бизга куч ва илҳом бағишлайди.

Фестивалда турли номинациялар бўйича ғолибларга диплом ва совғалар топширилди.

Болалар бадиий жамоалари иштирокидаги концерт дастури намойиш этилди.

Назозат УСМОНОВА,  
ЎЗА мухбири.

## ЎЗБЕКИСТОН МАТБУОТИ КЎЗГУСИ

Пойтахтимизда «Ўзбекистон матбуоти» IV Миллий форуми ва кўргазмаси бўлиб ўтди

Форум Ўзбекистон мустақил босма оммавий ахборот воситалари ва ахборот агентликлари кўллаб-қувватлаш ва ривожлантириш жамоат фонди томонидан Ўзбекистон Республикаси Олий Мажлиси Қонунчилик палатаси, Алоқа, ахборотлаштириш ва телекоммуникация технологиялари давлат қўмитаси раиси Х.Мирзоқидов, Ўзбекистон мустақил босма оммавий ахборот воситалари ва ахборот агентликлари кўллаб-қувватлаш ва ривожлантириш жамо-

ат фонди директори А.Абдуллаев ва бошқалар таъкидлашганидек, оммавий ахборот воситалари Президентимиз раҳнамолигида мамлакатимизда амалга оширилаётган улкан бунёдкорлик ишлари, жамиятдаги демократик янгиланишлар, одамларнинг дунёқараши, турмушидаги ўзгаришлар, ҳаётимизнинг ҳар жиҳатдан фаровонлашиб бораётганини кўрсатиб бераётган кўзгуга айланиб бормоқда.

Тадбирда Ўзбекистон Республикаси Олий Мажлиси Қонунчилик палатаси Спикери ўринбосари У.Муҳаммадиев, Алоқа, ахборотлаштириш ва телекоммуникация технологиялари давлат қўмитаси раиси Х.Мирзоқидов, Ўзбекистон мустақил босма оммавий ахборот воситалари ва ахборот агентликлари кўллаб-қувватлаш ва ривожлантириш жамо-

ат фонди директори А.Абдуллаев ва бошқалар таъкидлашганидек, оммавий ахборот воситалари Президентимиз раҳнамолигида мамлакатимизда амалга оширилаётган улкан бунёдкорлик ишлари, жамиятдаги демократик янгиланишлар, одамларнинг дунёқараши, турмушидаги ўзгаришлар, ҳаётимизнинг ҳар жиҳатдан фаровонлашиб бораётганини кўрсатиб бераётган кўзгуга айланиб бормоқда.

(Давоми 2-саҳифада)

# ДАВЛАТ БЮДЖЕТИНИНГ 2014 ЙИЛ ТЎҚҚИЗ ОЙИДАГИ ИЖРОСИ КЎРИБ ЧИҚИЛДИ

(Боши 1-саҳифада)

Банк тизимининг молиявий барқарорлигини мустаҳкамлаш борасида кўрилатган чора-тадбирлар банкларнинг жами капитали ўсишини, хўжалик юривчи субъектлар ҳамда аҳоли депозитларининг, активлар ва кредит қўйилмаларининг кўпайишини таъминлади.

Жорий йил бошидан буён амалга оширилган тизимли чора-тадбирлар натижасида 777,8 мингта янги иш ўрни, шу жумладан, қишлоқ жойларда 465 мингта иш ўрни ташкил этилди. “Соғлом бола йили” Давлат дастурини амалга оширишга катта эътибор қаратилиб, уни молиялаштиришга барча манбалардан 4,2 триллион сўм ва 200 миллион доллар маблағ йўналтирилди. Ҳисобот даврида соғлиқни сақлаш, таълим, фан, маданият ва спорт соҳалари ўз вақтида молиялаштириб турилди, аҳолининг кам таъминланган қатламлари қўллаб-қувватланди. Салмоқли даражадаги бюджет маблағлари ажратилиши иш ҳақи, стипендиялар, пенсиялар ва ижтимоий нафақалар миқдорини янада ошириш орқали аҳоли фаровонлигини изчил яхшилашга қаратилган чора-тадбирларни амалга ошириш имкониятини яратди.

Савол-жавоблардан кейин ушбу масала батафсил муҳокама этилди. Муҳокама чоғида барча сиёсий партиялар фракциялари ва Ўзбекистон Экологик ҳаракатидан сайланган депутатлар гуруҳининг вакиллари сўзга чиқдилар.

**Полянте Свешников, Тадбиркорлар ва ишбилармонлар ҳаракати – Ўзбекистон Либерал-демократик партияси фракцияси аъзоси:**

– ЎзЛиДеП депутатлари Давлат бюджетининг жорий йил тўққиз ойидаги ижроси тўғрисидаги ҳисоботни кўриб чиқиб, мамлакатимиз бош молиявий ҳужжатининг рўёбга чиқарилишини охириги беш йилнинг айнан шу даврлари билан таққослаган ҳолда таҳлил қилдилар. Биз Ўзбекистон Республикасида асосий макроиқтисодий кўрсаткичларнинг ижобий ўсиши доимо таъминланмоқда, иқтисодиётнинг барча соҳалари ва тармоқлари янада мутаносиб ривожланиши учун мустаҳкам замин яратилган деган хулосага келдик. Бунда мамлакатимизнинг бош молиявий ҳужжати ҳар доим профицит билан ҳамда Олий Мажлиснинг иккала палатаси томонидан тасдиқланган мезонларга мувофиқ ижро этилмоқда.

Кичик бизнес ва хусусий тадбиркорликни қўллаб-қувватлаш дастури доирасида микрофирма ва кичик корхоналарда ишлаб чиқариш ҳажми кейинги беш йил мобайнида ошганлигини, бу эса, ўз навбатида, ягона солиқ тўлови тушумларининг кўпайишига олиб келганлигини таъкидлаш қувонарлидир. Солиқ юқининг мунтазам равишда пасайтирилиши, хусусий тадбиркорлик субъектларига берилган

банк кредитлари ҳажмининг оширилиши кичик бизнеснинг жадал ривожланишига ижобий таъсир кўрсатди. Бу мамлакатимизда аграр сектор, фермерлик ҳаракати ривожланиши учун ҳам рағбатлантирувчи омил бўлди.

**Искандар Азизов, Ўзбекистон Халқ демократик партияси фракцияси аъзоси:**

– Давлат бюджетининг ижтимоий соҳага ажратилаётган маблағларининг ҳар йиллик ўсиши давлатимизнинг аҳоли фаровонлигини ошириш, мамлакатимизда олиб борилаётган ислохотларнинг ижтимоий йўналтирилганлигини кучайтириш масалаларига бераётган эътиборининг ошаётганлигидан дарак беришини алоҳида таъкидлаб ўтишни хоҳлардим. Мисол учун, агар 2010 йилда Ўзбекистон Республикаси Давлат бюджетидан ижтимоий соҳага 5537,6 миллиард сўм ажратилган бўлса, 2014 йилнинг 9 ойида ушбу кўрсаткич 13313,6 миллиард сўмни, яъни 2,5 баравар кўпроқни ташкил этди. Шу билан бирга ҳисобот даврида пенсиялар, стипендиялар ва ижтимоий нафақаларнинг ўртача миқдори жорий йилнинг январь ойига нисбатан 12 фоизга ошди, бу эса Ўзбекистон ХДП электоратининг манфаатларига мос келади.

Ўзбекистон ХДП фракциясининг фаолиятида касб-хунар коллежларининг битирувчиларини ўз мутахассисликларига мувофиқ ишга жойлаштиришга қаратилган чора-тадбирлар устувор масала сифатида белгиланган. Шу муносабат билан 2014 йилнинг 9 ойи мобайнида касб-хунар коллежларини ўқув-амалий машғулотлар ўтказиш учун сарфланадиган материаллар ва зарур хомашё билан таъминлаш учун давлат бюджетидан 8 миллиард сўм ажратилганлигини қайд этиб ўтишни истардим.

**Жамила Ниёзова, Ўзбекистон “Миллий тикланиш” демократик партияси фракцияси аъзоси:**

– Беш йил давомида Ўзбекистон “Миллий тикланиш” демократик партиясининг парламенти куйи палатасидаги фракцияси Ўзбекистон Республикаси Давлат бюджетининг ижроси тўғрисидаги ҳисоботни муҳокама этишда фаол иштирок этди. Шунингдек, ушбу даврда бюджет тўғрисидаги қонун ҳужжатлари тақдимоти амалга оширилди. Бутун бюджет жараёнини ўз ичига олувчи Бюджет кодексининг қабул қилиниши давлат молиясини бошқаришнинг халқаро стандартларига мос келадиган ягона қонунчилик базасини яратиш имконини берди, бу эса, маҳаллий бюджетларнинг даромадлари манбаларини мустаҳкамлаган ҳолда барча даражадаги бюджет тизими даромадлари ҳамда харажатларининг ва, умуман олганда, бюджетлараро муносабатларнинг тартибга солинишини таъминлади.

Давлат бюджетининг 2014 йил тўққиз ойидаги ижросини муҳокама эта-

ётиб, маданият, спорт ва оммавий ахборот воситаларига йўналтирилган харажатлар 2013 йилнинг айнан шу даврига нисбатан 19,8 фоизга ошганлигини қайд этиш муҳимдир. Ушбу харажатлар асосан спортни ривожлантириш, ахборот-кутубхона марказлари ва ихтисослаштирилган кутубхоналарни молиялаштириш, музейлар, кўргазмалар ва кўргазма заллари, маданият уйлари ва саройлари, театр ҳамда мусиқа труппалари, телерадио кўрсатув ва эшиттиришларни таъминлаш, кино маҳсулотларини яратиш ҳамда бошқа тадбирларга йўналтирилди. Бизнингча, олис ва бориш қийин бўлган қишлоқ аҳоли пунктларида ҳам маданият масканларини, “Баркамол авлод” болалар марказларини, мусиқа ва санъат мактабларини молиялаштириш учун бюджет харажатларини ошириш жуда муҳимдир.

**Камола Ҳамидова, Ўзбекистон “Адолат” социал-демократик партияси фракцияси аъзоси:**

– Давлат бюджетининг 2014 йил тўққиз ойидаги ижроси мамлакатимизда олиб борилаётган ислохотларнинг суръатлари ва хусусиятига, замонавий ҳаёт воқеликларига тўлиқ мувофиқ келади. Ўзбекистон Республикаси Вазирлар Маҳкамаси илм-фанни ривожлантиришга йилдан-йилга кўпроқ эътибор бераётганлиги бизни қувонтиради. Бу мамлакатимизда инновацион иқтисодиётни вужудга келтириш юзасидан аниқ мақсадли ишлар олиб борилаётганидан дарак беради. Хусусан, ҳисобот даврида илм-фан учун 113,9 миллиард сўм ажратилди, бу эса 2013 йилнинг шу даврига нисбатан 11,7 фоизга кўпроқдир. Шу жумладан, 69,2 миллиард сўм тармоқлар бўйича давлат илмий-техник дастурларининг устувор йўналишларини молиялаштириш учун йўналтирилди. Шунингдек, инновацион ишланмалар дастурларини молиялаштириш, фанга хизмат қилувчи муассасалар ва ноёб объектларни сақлаш, унинг ривожланиши билан боғлиқ бошқа харажатлар учун ҳам катта маблағлар ажратилди. Бу ҳар доим илм-фанга эътиборни кучайтириш, фан ютуқларини ишлаб чиқаришга ва қундалиқ ҳаётга фаол татбиқ этиш тарафдори бўлиб келган партияимизнинг дастурий мақсадларига тўлиқ мувофиқ келади.

**Сиддик Абдуқокиев, Ўзбекистон Экологик ҳаракатидан сайланган депутатлар гуруҳи аъзоси:**

– Давлат бюджетидан атроф-муҳитни муҳофаза қилишга сарфланаётган харажатлар йил сайин ортиб бормоқда. Агар 2010 йилда ушбу тадбирлар учун ажратилган бюджет маблағларининг миқдори 48,9 миллион сўмни ташкил этган бўлса, 2013 йил якунларига кўра, бу 122,8 миллиард сўмни, 2014 йилнинг тўққиз ойида эса деярли 320 миллиард сўмни ташкил этди. Бунда

атмосфера ҳавоси ва сув ресурсларини яхшилаш, оқова сувлар учун тозалаш иншоотларини қуриш, ўсимлик ва ҳайвонот оламини муҳофаза қилиш учун давлат бюджетидан ажратилган маблағларнинг салмоғи ортиб бормоқда. Шунингдек, давлатимиз Орол бўйидаги экологик тадбирларга, суғориладиган ерларнинг мелиоратив ҳолатини яхшилашга, биологик хилма-хилликни сақлашга, чиқиндиларни тўплаш ва уларни утилизация қилишга ҳам катта эътибор бермоқда.

Депутатлар ҳар томонлама муҳокама чоғида билдирилган фикр-мулоҳазаларни инобатга олган ҳолда Ўзбекистон Республикаси Давлат бюджетининг 2014 йил тўққиз ойидаги ижроси тўғрисидаги ҳисоботни тасдиқладилар ва тегишли қарор қабул қилдилар.

Мажлис чоғида депутатлар, шунингдек, мамлакатимизда жамият ҳаётининг турли соҳаларида олиб борилаётган ислохотларнинг ҳуқуқий базасини янада такомиллаштиришга қаратилган қонун лойиҳаларини ҳам биринчи ўқишда кўриб чиқдилар. Жумладан, парламент аъзолари Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясига мувофиқ ишлаб чиқилган “Инвестиция ва пай фондлари тўғрисида”ги қонун лойиҳасини муҳокама этдилар. Қонун лойиҳаси мамлакатимизда жамоавий инвестициялаш тизимини ташкил этишни рағбатлантиришга, вақтинчалик бўш турган пул маблағларини сафарбар этишга ҳамда уларни миллий иқтисодиётнинг турли соҳаларини молиялаштиришга йўналтиришга қаратилгандир.

Мажлиснинг кун тартибига “Болаларни уларнинг жисмоний ва маънавий ривожланишига салбий таъсир кўрсатадиган ахборотдан ҳимоя қилиш тўғрисида”ги қонун лойиҳаси ҳам киритилди. Ушбу қонун лойиҳаси “Соғлом бола йили” Давлат дастурига мувофиқ ишлаб чиқилган. Қонун лойиҳаси болаларни жисмоний, руҳий, ижтимоий, ахлоқий ва маънавий ривожланишига салбий таъсир кўрсатадиган ахборотдан ҳимоя қиладиган қонунчилик қафолатлари ва ташкилий-ҳуқуқий механизмларни аниқ белгилаб қўйишга қаратилгандир.

Қонун лойиҳаларини муҳокама этиш чоғида барча сиёсий партиялар фракциялари ҳамда Ўзбекистон Экологик ҳаракатидан сайланган депутатлар гуруҳининг вакиллари саволлар ва таклифлар билан сўзга чиқдилар. Ҳар томонлама кўриб чиқилган сўнг депутатлар ушбу қонун лойиҳаларининг асосий қоидаларини маъқулладилар ҳамда уларни биринчи ўқишда қабул қилдилар.

**Ўзбекистон Республикаси Олий Мажлиси Қонунчилик палатасининг Ахборот хизмати**

## ЎЗБЕКИСТОН МАТБУОТИ КЎЗГУСИ

(Боши 1-саҳифада)

Матбаа ва матбуот тарқатувчи корхоналарнинг моддий-техника базасини мустаҳкамлаш мақсадида қатор имтиёзлар жорий этилди. Мана шундай ишлар самарасида юртимизда фаолият юритаётган оммавий ахборот воситалари сони кейинги йилларда бир неча баробарга кўпайди. Кўплаб матбаа корхоналари замонавий технологиялар билан жиҳозланди. Бугун рўйхатга олинган оммавий ахборот воситалари 1400 дан ошди, оммавий ахборот воситаларининг умумий сонидан нодавлат сектор улуши 2010 йилга нисбатан деярли икки баробар кўпайган. 2014 йил 1 январь ҳолатига кўра, нашриётлар 107, матбаа корхоналари 1514 тани ташкил этди.

Анжуманда босқичма-босқич амалга оширилаётган

оммавий ахборот воситалари учун кадрлар тайёрлаш ва қайта тайёрлаш бўйича давлат дастури ўзининг натижаларини бераётгани қайд этилди.

Тадбирда бир қатор мавзуларда маърузалар тинганди.

“Ўзэкспомарказ”да “Ўзбекистон матбуоти” IV Миллий кўргазмаси ҳам бўлиб ўтди.

Кўргазманинг очилишида Ўзбекистон матбуот ва ахборот агентлиги бош директори О.Юнусов ва бошқалар таъкидлашганидек, мустақиллик йиллари барча соҳалар қаторида оммавий ахборот воситалари учун ҳам том маънода юксалиш даври бўлмоқда. Соҳанинг қўллаб-қувватланиши натижасида мамлакатимизда демократик жараёнларни чуқурлаштириш, халқимизнинг ижтимоий-сиёсий фаоллигини ошириш, ахборот ва сўз эркинлигини таъминлаш, амалга оширилёт-

ган кенг қўламдаги бунёдкорлик ишлари моҳиятини кенг жамоатчиликка етказиш имконияти яратилмоқда.

Президентимизнинг 2011 йил 30 декабрдаги “Оммавий ахборот воситаларини янада ривожлантириш учун кўшимча солиқ имтиёзлари ва афзалликлар бериш тўғрисида”ги Қарори нашриётларнинг моддий-техника базасини мустаҳкамлаш имконини бермоқда. Хусусан, ўтган даврда мазкур қарор асосида Ўзбекистон матбуот ва ахборот агентлиги тизимидаги корхоналарда 7,5 миллион АҚШ доллари ҳажмида модернизация ишлари амалга оширилди.

Давлатимиз раҳбарининг 2012 йил 16 июлдаги “Статистик, солиқ, молиявий ҳисоботларни, лицензияланадиган фаолият турларини ва рухсат бериш тартиб-таомилларини

тубдан қисқартириш чора-тадбирлари тўғрисида”ги Фармони асосан оммавий ахборот воситалари, матбаа корхоналари ва нашриётлар фаолиятига рухсатнома ва лицензия олиш учун тўланадиган давлат божи ставкалари 2 баробарга камайтирилди.

“Ўзбекистон матбуоти” IV Миллий кўргазмасида республикамизнинг етакчи даврий босма нашрлари ва нашриётлари иштирок этиб, матбуот ва ахборот соҳасида эришилган ютуқларини намойиш этмоқда. Бу йилги кўргазма доирасида “Соғлом бола йили” Давлат дастурига асосан нашр этилган болалар адабиёти кўргазмаси ташкил этилди. Унда йигирмадан зиёд нашриёт ва матбаа корхоналари ўз маҳсулотлари билан иштирок этди.

– Жорий йилда нашриётимиз томонидан “Камолот ку-

тубхонаси” рукнида 36 номдаги болалар учун мўлжалланган китоблар чоп этилди, яна 8 номдаги китоблар нашр этилиш арафасида, – дейди “Янги аср авлоди” нашриёт-матбаа маркази бош муҳаррири Маъмура Қулиева. – Шунингдек, “Камолот” ЁИХ билан ҳамкорликда “Жавондаги 100 жавоҳир” рукнида ҳақон ва ўзбек адибларининг энг сара асарлари чоп этилмоқда. Ушбу китоблар ёшлар томонидан катта қизиқиш билан қабул қилинмоқда.

Болалар маънавий-маърифий салоҳиятини оширишда марказий нашриётлар томонидан кўплаб ўқув дарсликлар ва қўлланмалар чоп этилаёттир.

Кўргазмада сўнгги йилларда чоп этилган янги китобларнинг тақдимотлари ва уларнинг муаллифлари билан учрашувлар ҳам бўлиб ўтмоқда.

**Сухроб ЗИЁДУЛЛАЕВ, “Qishloq hayoti” муҳбири.**

# ЖАҲОН АНДОЗАСИДАГИ ТАЪЛИМ ВА ТИББИЁТ

**М**амлакатимизда имконияти чекланган болалар таълими юзасидан халқаро ҳуқуқ нормаларига амал қилиниши жаҳон айвонида тан олинган. Чунинчи, БМТнинг болаликни муҳофазалаш бобидаги энг универсал ҳужжати – Бола ҳуқуқлари тўғрисидаги конвенциянинг 23-моддасида ушбу ҳужжатни ратификация қилган мамлакатлар жисмоний нотўқис боланинг таълим, тиббиёт, соғлиқни тиклаш соҳасидаги хизматлар билан бепул таъминлашини кўзда тутди.

Халқаро ҳуқуққа уйғун ҳолда Конституциямизда ҳам ҳар кимнинг малакали тиббий хизматдан фойдаланиш ва бепул умумий таълим олиш ҳуқуқи кафолатланган. Шунингдек, “Бола ҳуқуқларининг кафолатлари тўғрисида”ги Ўзбекистон Республикаси Қонунининг 29-моддасига кўра, “Жисмоний ва (ёки) руҳий ривожланишида нуқсонлари бўлган болалар ва ногирон болалар улар учун махсус ишлаб чиқилган таълим дастурлари бўйича таълим муассасаларида ўқиш ва тарбияланиш ҳамда ўз жисмоний, ақлий қобилиятлари ва хоҳишларига мос бўлган таълим олиш ҳуқуқига эга”.

Биз эса мана шу узвий ҳуқуқ — жисмоний нотўқис болалар учун ўқув-тарбия жараёни, шунингдек, даволаш-тиклаш ишлари қай даражада йўлга қўйилгани билан қизиқдик. Шу мақсадда Тошкент шаҳар Чилонзор туманидаги 4-сонли ихтисослаштирилган мактаб-интернатда бўлдик.

Мактаб-интернат санаторий типидagi махсус умумтаълим ўқув-тарбия ва даволаш-тиклаш муассасаси ҳисобланади. Муассасанинг асосий вазифаси сколиоз касаллиги юзасидан узоқ муддат даволаниши лозим бўлган болалар учун таълим-тарбия ва реабилитация, тиббий-соғломлаштириш ишларини ташкиллаштиришдир. Ўқувчилар Ўзбекистон Республикаси Соғлиқни сақлаш вазирлиги Травматология ва ортопедия илмий-текшириш институти рентгенологик бўлими хулосаси, даволаш муассасасининг (касалхона, поликлиника, диспансер) хулосаси, халқ таълимининг (туман) шаҳар бўлими йўлланмаси асосида қабул қилинади.

Болалар мактаб-интернатининг 1-9 синф ўзбек ва рус гуруҳларида таҳсил олиб, санаторий шароитида даволанишади. Бунда уларга 198 нафар ишчи-ҳодим яқиндан ёрдам беради. Уларнинг дарсларда иштирок этиши, вазифаларни ўз вақтида тайёрлаши, муолажаларни олиши, овқатланиши ҳамда дам олиши 54 нафар тарбиячи томонидан таъминланади.

Биз борганимизда болалар нонушта қилишаётган экан. Дилора Алижонова ўз гуруҳидаги 14 нафар бола учун алоҳида қайғураётганини сезиш қийин эмас эди.

— Бола руҳияти ўзгача бўлади, — дейди тарбиячи Дилора Алижонова. — Хафа қилсангиз, умрбод кўнглидан чиқармайди. Яхши гапирсангиз, атрофидан кетмайди.

Болаларнинг мактаб-интернатдаги ҳаёти, улар учун яратилган шарт-шароит қай даражада экани билан қизиқдик. Шу сабаб, Дилорахон ва унинг

тарбияланувчиларига ҳамроҳ бўлдик.

Мактаб, кутубхона, тиббий бўлим, ошхона, ётоқхона — ҳаммаси мактаб-интернат ҳовлисида жойлашган. Болалар нонуштадан сўнг тоза ҳавода бироз айланиб, сўнг тарбиячи ҳамроҳлигида тонги йиғилишга боришди. Йиғилишдан кейин Дилорахон болаларни синфхонага олиб кириб, хонани дарсага тайёрлади. 9:00 да уларни ўқитувчига топширди. Ўқувчилар эса кушеткада ётган ҳолда дарсада иштирок этишди.

— Болалар ўтирганда умуртқа поғонасига тана оғирлиги тушиши оқибатида сколиоз ривожланиши ҳисобга олиниб, шундай усул танланган, — дей-




ди Дилорахон. У билан биргаликда ўқитувчилар хонасига бордик.

— Ўқувчиларимизнинг таянч-ҳаракат аъзоларида нуқсон бўлса-да, руҳий жиҳатдан соғлом бўлгани боис, умумтаълим дастурлари асосида таълим оладилар, — дейди мактаб-интернат директорининг ўқув ишлари бўйича ўринбосари Шарофиддин Шарипов. — Ҳозирда 48 нафар ўқитувчи уларга таълим беради. Ўқувчиларга инглиз, рус ва немис тилларидан малакали устоз ва мураббийлар билим беришади.

Танаффус пайтига яқин ташқарига чиқдик. Бинонинг кираверишида турган аёл эйтиборимизни тортди. У боласининг дарсдан чиқишини кутиб турган она экан.

— Эгизак фарзандларимнинг иккови ҳам сколиоз касаллиги билан туғилган, — дейди Шарофат Мирабзалова. — Турмуш ўртоғим вафотидан сўнг уларни тарбиялашга бироз қийналдим. Кундузи ишда бўлганимда болаларимдан ҳавотирланардим. Мактаб-интернат ҳақида эшитиб, нури дийдаларимни шу ерга олиб келдим. Ҳозир фарзандларимдан кўнглим тўқ. Уларнинг саломатлиги, ўқиши доимий назоратда эканлигини билман. Болаларимга шунчалик яхши қарашаётганидан хурсандман.

Танаффусга қўнғироқ ча-



линди. Кутилган онлар яқинлашаётганиданми, аёлнинг орзиқиши ортди. У томон бир қиз ва бир ўғил бола яқинлашиб келарди. Она фарзандларини бағрига босди. Уларга ҳалақат бермаслик учун она болалардан узоқлашдик. Шу вақт мактаб-интернат директорини учратдик.

— Мактабимиз “ZiyoNET” тармоғига уланган, — дейди мактаб-интернат директори Ўлмас Камолов. — Интернет тармоғидан фойдаланиш учун Чилонзор тумани Молия бўлими маблағ ажратади. Шунингдек, 2015-2017 йиллар-

да ихтисослаштирилган мактаб-интернатлар моддий-техника базасини мустаҳкамлаш режасига мувофиқ, мактаб-интернатимиз ҳам яқин орада янгича қиёфа касб этиб, замонавий жиҳозлар билан таъминланади.

Яна тарбиячи ёнига қайтдик. Дилорахон дарсдан кейин болаларни қабул қилиб, тушликка олиб борди. Дастурхонга паловхонтўра тортилди.

— Болалар саломатлиги учун овқатланишга қатъий амал қилинади, — дейди ҳамшира Махфуса Юлдашева. — Ошхонамизда беш маҳал овқатланиш тартиби йўлга қўйилган. Таомлар бош шифокор, касаба уюшмаси раиси ва парҳез ҳамшираси кўригидан сўнг дастурхонга тортилади.

Овқатланиб ҳам бўлишди. Тарбиячи чақонлик билан болаларнинг бир гуруҳини тўғаракка, яна бир гуруҳини эса муолажага бошлади.

Кимдир парафин муолажасига кириб кетди. Бошқаси даволаш гимнастикаси хонасига йўл олди. Биз эса машғулот хонасига киришга тайёрланаётган болалардан бирини суҳбатга тортдик.

— Мен чап томонлама I даражали сколиоз ташхиси билан келганман, — дейди 6 “А” синф ўқувчиси Муроджон Тўйчиев. — Бу ерда ҳам ўқиб, ҳам муолажа оламан. Даволаш гимнастикаси билан мунтазам шуғулланяпман. Мактабим

**Ҳар бир инсон малакали тиббий хизматдан фойдаланиш ҳуқуқига эга.**

Ўзбекистон Республикасининг Конституцияси, 40-моддасидан.

**Ҳар ким билим олиш ҳуқуқига эга.**

Ўзбекистон Республикасининг Конституцияси, 41-моддасидан.

менга ёқади. Устозлар, тарбиячилар жуда меҳрибон. Шифокор опаларим жуда яхши. Катта бўлсам, улар каби шифокор бўлишни, болаларни даволашни истайман. Болалар ҳеч ҳам касал бўлмасин. Ҳамма соғ бўлсин!

Муроджон билан бирга даволаш гимнастикаси машғулотларида қатнашаётган болаларга қараб, уларнинг соғайишга қанчалик интилаётганларини, жамиятда ўз ўрнини топиш учун курашаётганларини кўриш мумкин эди.

Мактаб-интернатда тиббий-соғломлаштириш ишларини ташкиллаштириш учун 40 нафар ходим жалб этилган. 9 нафар шифокор, 23 нафар ҳамшира, 8 нафар техник ходим тиббий бўлимга бириктирилган.

— Мактаб-интернатга қабул қилинган ўқувчилар, аввало, ортопед шифокорлар кўригидан ўтказилади, — дейди мактаб-интернат директорининг даволаш ишлари бўйича ўринбосари Махфуса Бўрибоева. — Уларга ташхис қўйилиб, даво муолажалари белгиланади. Ўқув йили давомида ҳар ҳафта бошида ҳамма болалар назорат кўригидан ўтказилади. Агар улар оилада, жамоатчилик орасида бўлганида касалликка йўлиққан бўлса, дарров эҳтиёт чораси кўрилади. Бундан ташқари, кундалик назорат кўриклари ҳам ўтказиб борилади. Уқалаш, парафин, сув ва физиотерапия муолажалари мунтазам амалга оширилади. Ҳафтада 3 кун даволаш гимнастикаси, 3 кун жисмоний тарбия машғулотлари дарс жадвалига киритилган.

Ҳафтанинг чоршанба кунлари тиббиёт кунлари, деб эълон қилинган. Бу кунда ўқувчилар билан турли мавзуларда суҳбатлар ўтказилади. Масалан, яқинда “Гиёҳвандлик, токсикомания, алкоголизм ва тамаки чекишнинг салбий оқибатлари”, “Репродуктив саломатликка салбий таъсир этувчи омиллар” мавзуларида давра суҳбатлари ташкил этилди.

Болалар мактаб-интернатга қабул қилинганидан уч йил ўтиб, тиббий ва педагог-хо-

димлар улардаги ўзгаришларни комиссия тартибда кўриб чиқишади. Агар болалардаги сколиоз касаллиги тўхтатилган ва соғлиғи қониқарли деб топилса, ўқишини умумтаълим муассасасида, даволанишни яшаш жойида давом эттириши тўғрисида қарор чиқарилади. Аксинча, саломатлиги қониқарли деб топилмаса, муассасада қолдирилади.

Иккинчи тушликдан сўнг ҳамма ётоқхонага йўл олди. Улар ҳар куни 15:00-16:00 оралиғида дам олишар экан.

Озгина ҳордиқдан сўнг улар тагин муолажа, тўғараклар ва ёки кутубхона томон йўл олишди. Биз эса кутубхонага шошилаётган болаларга қўшилдик.

— Ҳозирда фондимизда 5412 жилд китоб мавжуд, — дейди кутубхона ходимаси Махбуба Рихсибоева. — Уларнинг 3258 таси бадиий адабиётлар, 2154 таси эса дарслик ва ўқув қўлланмалар. Шу билан бирга, 25 турдаги газетажурналларни мутолаа қилиш имконияти ҳам мавжуд.

Бундан ташқари, ҳар бир синф учун инглиз тили ва фан тўғараклари ташкил этилган. “Моҳир қўллар”, “Ораста қизлар” каби ижодий тўғараклар ва стол тенниси, волейбол, баскетбол, шашка, шахмат каби спорт тўғаракларига ўқувчилар жалб қилинган. “Настарин” тўғарагида қизлар рақс сирларини ўрганишади.

Тўғарагу кутубхонадан сўнг Дилорахон болаларни синфхонага олиб борди. Улар кушеткаларга ётиб, дарс тайёрлай бошладилар. Тарбиячи бирма-бир болаларнинг тепасига бориб, жараёни кузатди. Кимгадир кўмаклашди. Бошқа бировининг саволига жавоб берди. Икки соат мобайнида уй вазифаларини тайёрлашди. Сўнгра ҳамма кечки овқатга йўл олди.

— Овқатланиб бўлиб, тоза ҳавода бироз сайр қиламиз, — дейди Дилорахон. — Кейин эса болалар телевизор кўриб, ҳордиқ чиқаришади. 21:00 да уларни тунги энагаларига топшираман. Улар эса тонг отгунча болаларга кўз-қулоқ бўлишади.

**М**актаб-интернатни тарк этарканмиз, мамлакатимизда имконияти чекланган болалар таълимига халқаро ва миллий қонунчилик талаблари даражасида алоҳида аҳамият берилишига яна бир бор амин бўлдик. Болани таълим-тарбия, тиббиёт, соғлиқни тиклаш соҳасидаги хизматлар билан малакали асосда таъминлаш имкон даражасида уни ижтимоий ҳаётга жалб этишга, шахсининг камол топишига олиб келиши, шубҳасиз. Шу дамда уларга меҳр бериб парваришлаётган, тарбиялаётган устоз ва мураббийларга таҳсинлар айтгимиз келди.

Наргиза ХУСАНОВА

# «ЁНГИН ХАВФСИЗЛИГИ ОЙЛИГИ»НИ БИРГАЛИКДА ЎТКАЗАЙЛИК!

**Маълумки, куз-қиш мавсумида фуқароларнинг бошқа даврларга нисбатан иситиш мосламаларига бўлган эҳтиёжининг ортиши натижасида ёнгин хавфининг юзага келиш эҳтимоли кўпаяди. Ана шундай ҳолатларнинг олдини олиш мақсадида Ўзбекистон Республикаси Вазирлар Маҳкамасининг 2011 йил 18 ноябрдаги 309-сонли қарорига асосан ҳар йили ноябрь ойининг учинчи ўн кунлигидан бошлаб республика миқёсида «Ёнгин хавфсизлиги ойлиги» ўтказилиб келинмоқда.**



Ушбу тадбирни ўтказишдан асосий мақсад – иқтисодиёт тармоқлари ва ижтимоий соҳа объектларини, шунингдек, уй-жой фондини ёнгин хавфсизлиги талабларига мувофиқ ҳолга келтириш ҳамда ўта муҳим давлат аҳамиятига молик ёни ёнгин ва портлаш хавфи юқори бўлган объектларда ёнгин хавфсизлигини мустаҳкамлаш бўйича комплекс чора-тадбирларни амалга оширишдан иборатдир.

Ўтган йили тадбирни самарали ўтказишга Давлат ёнгин хавфсизлиги хизматининг барча куч ва воситалари са-

фарбар этилиб, аҳоли ўртасида ўтказилган кенг қамровли тушунтириш ишлари ҳамда тегишли идоралар билан ҳамкорликда олиб борилган профилактик чора-тадбирлар натижасида 2013 йилнинг 20 ноябрдан 20 декабрга қадар содир бўлган ёнгинлар сони 2012 йилнинг шу даврига нисбатан 39,9 фоизга, тан жароҳати олиш ҳолатлари 81,3 фоизга ҳамда ҳалок бўлиш ҳолатлари 74,1 фоизга камайишига эришилган.

Қадрли юртдошлар ва республикамизнинг азиз меҳмонлари, бу йил ҳам

жорий йилнинг 20 ноябрдан 20 декабрга қадар республикамиз ҳудудида «Ёнгин хавфсизлиги ойлиги» ўтказилиши белгиланган. Ушбу ойликнинг ҳам ўтган йилдагидек ижобий ва самарали ўтишида ўз ҳиссангизни қўшинг.

Унутманг, ёнгин хавфсизлиги қоида талабларига риоя қилишингиз

билан, нафақат келиб чиқиши мумкин бўлган ёнгинларнинг олдини олган бўласиз, балки инсонларни тан жароҳати олиши ва ҳалок бўлиши каби кўнгилсиз ҳодисалардан сақлаб қолган бўласиз.

**Ж.САЛАХИДДИНОВ,**  
Ўзбекистон Республикаси ИИБ  
ЁХББ муҳандиси, капитан.

Бугун азим шаҳарлару сўлим қишлоқларда бўлган киши юртимизни улкан бунёдкорлик майдонига қиёс этади. Ҳа, таъриф жоиз бўлса, бугун ҳар қадамда қурилиш, ободлик ва бунёдкорлик бўлмоқда. Кун сайин кўкка бўй чўзаётган муҳташам иморатларни кўриб ҳавасингиз келади.

## БУНЁДКОРЛИКДА ҲАМ ЭҲТИЁТКОРЛИК ЗАРУР

Бу улкан ишлар учун кишиларнинг қанча заҳмати, матонатли меҳнати, қанчадан-қанча сармола сарфланаётир. Аммо биргина эҳтиётсизлик оқибатида ана шунча меҳнат кўкка соврурилиши мумкинлигини қурувчиларимиз яхши билишади. Буни қўйидаги рақамлар ҳам кўрсатиб турибди. Жорий йилнинг ўтган даврида қурилиш объектларида 10 та ёнгин содир бўлди. Улар чиқиндиларнинг ўз вақтида олиб чиқиб кетилмагани, электр ва газ пайвандчиларининг техника хавфсизлигига риоя қилмаганлиги, қурувчиларнинг вақтинча яшаш уйларида электр симлари очиқ ҳолда қолганлиги ҳамда электр ускуналарининг носозлигидан келиб чиққан.

Шу боис, ёнгин хавфсизлиги ходимлари жойларда бўлиб, қурувчилар билан суҳбатлар ташкил қилмоқда, тарғибот ишларини олиб бормоқда.

Меҳнат муҳофазаси ва ёнгин хавфсизлиги қоидаларини яна бир эслатиб ўтишни жоиз деб билдик.

Қурилиш жараёнида электр энергияси билан ишлайдиган асбоб-ускуналар симларининг очилиб қолиши, сим узайтиригич ва электр розеткаларининг хавфсизлигини таъминлаш лозим бўлади.

Шунингдек, қурувчиларнинг махсус вагон-уйларида ёнгин хавфсизлигини таъминлаш, бунинг учун печлар, электр асбоблар, дудбуронларнинг рисоладагидек ишлаётганини доимо назорат қилиб бориш зарур бўлади.

Қурилиш жараёнида ёнгин хавфини юзага келтирадиган ҳолатни сезганда, албатта, ёнгин хавфсизлиги хизматига хабар бериш керак.

Унутмаслигимиз керакки, бунёдкорлик ишлари огоҳликни талаб этади.

**Мирзохид НОСИРОВ,**  
Тошкент шаҳри ИИББ ЁХБ  
Меъёрий-техник экспертиза бўлими муҳандиси.

## БАРҚАРОР ФАОЛИЯТГА АСОС БЎЛАДИ

**“Бухоро нефтни қайта ишлаш” заводида ҳам 2014 йилнинг 20 ноябрдан 20 декабрга қадар республикамиз бўйича ўтказилган “Ёнгин хавфсизлиги ойлиги”ни беталафот, мазмунли ва самарали ўтказиш бўйича бир қатор чора-тадбирлар олиб борилмоқда.**

Корхонамиз цехларида мавжуд бўлган электр қурилмалари ва ускуналаридан фойдаланиш вақтида ёнгин хавфсизлиги меъёрларига амал қилиш, ёнгин ва портлаш хавфи бўлган жойларда электр ва газпайвандлаш, суюқ газ тўлдирилган баллонларни сақлаш ва фойдаланишда зарур техника ва меҳнат хавфсизлиги қоидаларига амал қилиш жуда муҳим.

Шу сабабли, завод цехлари ишчи-хизматчилари ўртасида ёнгин хавфсизлиги ходимлари иштирокида “Олов – тилсиз ёв”, “Ёнгинни ўчиришдан кўра олдини олган афзал”, “Маблаг шамолга учмасин десангиз” каби мавзуларда учрашувлар ташкил қилиниб, қатнашчиларга махсус йўриқномалар ҳамда тавсиялар берилмоқда.

Цех ҳудудига олиб келинаётган



электр материаллари ва омборлардаги хавфли товар моддий бойликларини ёнгин хавфсизлиги қоидаларига риоя қилган ҳолда сақлаш, заводдаги кўнгилли ўт ўчириш гуруҳининг фаоллигини таъминлаш, малакасини ошириш мақсадида улар билан ёнгин хавфсизлиги ходимларининг учрашувларини ташкил қилиш бўйича чора-тадбирлар режаси амалга оширилмоқда.

Олиб борилган тадбирлар натижасида ташкилотда электр, газ ва бош-

қа ёнгин чиқиш хавфи юқори бўлган ускуналар билан иш бажарганда фақат махсус рухсатномалар орқали фаолият олиб бориш йўлга қўйилди.

Ушбу ишимиз корхоналаримизнинг барқарор ишлашига асос бўлишини асло унутмайлик! Ёнгин чиқишининг олдини олишга ҳар биримиз масъулмиз.

**Нусрат АШУРОВ,**  
Бухоро нефтни қайта ишлаш заводи электр тажриба лабораторияси муҳандиси.

## ДОИМИЙ ВАЗИФАМИЗ

*Агар биз кундалик турмушимизда содир бўлаётган ёнгинларни таҳлил этиб чиқадиغان бўлсак, аксарият ҳолларда бундай офатлар ўзимизнинг бефарқлигимиз, ёнгин хавфсизлиги қоидаларига риоя қилмаслигимиз оқибатида юзага келаётганлигига амин бўламиз.*

Демакки, ёнгин чиқмаслигининг асосий омили – огоҳлигимизни кучайтиришимиз керак. Ёнгин хизмати ходимлари ўтти ўчиришдан кўра, офатнинг олдини олиш лозимлигини яхши англаган ҳолда тарғибот тадбирлари алоҳида эътибор қаратишади. Бу жараёнда бизга маҳалла, таълим муассасалари, турли жамоат ташкилотлари яқиндан ёрдам бериб келишмоқда. Жумладан, таълим муассасаларида олиб борилаётган тадбирлар таъсирчанлигини оширишда болажонларнинг ўзлари ташкил этган қизиқарли саҳна кўринишлари муҳим аҳамият касб этмоқда. Уларда ёнгин хавфсизлигини таъминлашда болажонларда

маълум кўникма пайдо бўлмоқда.

Маҳалла фаоллари билан ўтказётган тадбирларимизда аҳолига ёнгиннинг аянчли оқибатлари ҳақида турли кўринишлар, фильмлар, плакатлар ва бошқа мисоллар ёрдамида тушунтириш ишлари олиб борилмоқда. Уларнинг барчасида бир мақсад – огоҳлик ва масъулиятни ошириш кўзланган.

Уйлаймизки, олиб борилаётган тадбирлар натижасида эҳтиёткорлик ва эътиборимиз ошади, ёнгин каби офатлар ҳеч кимнинг уйида бўлмайди.

**Е.КУЛМАНОВ,**  
Пойтахтимиздаги 32-ҲЁХҚ катта инспектори, кичик сержант.



**Пойтахт транспортлари ичида метро ўзининг қулайлиги, хавфсизлиги ва тезкорлиги билан ажралиб туради. Хусусан, йўловчиларнинг хавфсизлигини таъминлаш мақсадида метрополитен ходимлари барча имкониятларни ишга солишади.**

## ЙЎЛИНГИЗ БЕХАТАР БЎЛСИН!

Метрополитендан фойдаланишда йўловчилардан ҳам масъулият талаб қилинади. Жумладан, ёнгин хавфсизлигини таъминлаш учун очиқ оловдан фойдаланмаслиги, сигарета чекмаслиги, турли портловчи моддаларни олиб юрмасликлари зарур бўлади.

Халқимизда “Ҳар эҳтимолга қарши” деган ибора бор. Буни ҳар бир ишнинг охирини ўйлаб, эҳтиёт чораларини кўришга айтади. Айни шу иборани одамлар кўникмага айлантисалар, кўпгина кўнгилсизликларнинг олдини олган бўлардилар. Хусусан, ёнгин хавфсизлигини таъминлаш борасида ҳам.

Шу боис, ҳар бир йўловчи метрополитендан фойдаланиш қоидаларига амал қилса, ўзи ва бошқаларнинг хавфсизлигини таъминлаган бўлади.

**Жонибек КАЛЕНОВ,**  
Тошкент метрополитени Кўриқлаш бўйича ИИБ Ёнгин хавфсизлиги бўлини маси катта инспектори.

# ИССИҚХОНА

## ОИЛА ДАРОМАДИНИ КЎПАЙТИРИШНИНГ ЯНА БИР МАНБАИ

**Юртимизнинг табиати ва иқлими йилнинг тўрт фаслида ҳам деҳқончилик қилиш имконини беради. Бунинг учун инсонда интилиш ва омилкорлик бўлса бас. Таъкидлаш лозимки, бугунги кунда нафақат қишлоқларда балки, шаҳар ҳудудларида ҳам деҳқончилик қилиш оммалашди. Кафтдекгина ердан унумли фойдаланиб, ҳам ўз дастурхонини, ҳам бозорларни обод қилаётган юртдошларимиз кўпчиликни ташкил этапти. Аксарият инсонлар эса ўз томорқасида иссиқхона қуриб, қаҳратон қишда ҳам сархил маҳсулотлар етиштирмоқда.**

### ОЙНА МАЪКУЛМИ Ё ПЛЁНКА?

Аслида, иссиқхона қуриш унчалик кўп харажат ва вақт талаб қилмайди. Тўғри, бундан ўн-ўн беш йиллар муқаддам иссиқхона деганда, ойна билан ёпилган, баланд ва тўрт бурчакли бино кўз ўнгингизда намоеъ бўларди. Лекин бугунга келиб, оддий шароитда ҳам иссиқхона қуриш имкониятлари юзага келди. Ҳозирда юртимизда плёнкали иссиқхоналар кенг тарқалган. Нега ойнали эмас? Сабаби, плёнкали иссиқхоналар кўплаб қулайлик ва афзалликларга эга. Биринчидан, уларни монтаж қилиш ва йиғиш жуда осон, қолаверса, у енгил, арзон, эгилувчан. Яна бир томони, бундай иссиқхоналарда кун қизиб кетганида, плёнкаларни йиғиб қўйиш кўп вақтни олмайди.

Ойнали иссиқхоналарнинг яна бир камчилиги йил давомида жойни банд қилиб туради. Бундан ташқари, ҳар икки ёки уч йилда шишалар ораллигини герметик маҳсулотлар билан ёпишга тўғри келади. Плёнка билан ёпилган иссиқхоналар эса ёзда бемалол йиғиб олинади.

Иссиқхона учун, аввало, мос жой танланади. Яъни қуёш мўл тушадиган, жанубга қараган ҳудуд бўлса, янада яхши. Чунки қиш пайтида иссиқхонани иситишда камроқ энергия сарфланади. Шунингдек, ер ости сувлари камида 3,5-4 метр пастиқда бўлгани маъқул. Акс ҳолда иссиқхона ичидаги намлик ошиб кетиб, маҳсулотнинг ҳосилдорлигига салбий таъсир кўрсатиши ҳеч гап эмас. Қурилиш ишлари каркасдан бошланади. Бунинг учун металл ўрнини босадиган материаллардан фойдаланиш тавсия этилади. Тўғри, бунда ёғоч ишлатилса ҳам бўлади, лекин намгарчилик кўп бўлса у чириши мумкин. Устун вазифасини ўтайдиган материаллар чидамли бўлгани маъқул. Ингичка металл труба ёки чидамли алюмин профиллар каркасга мос келади. Сабаби, плёнка вақт ўтиши билан эскиради, эгилувчанлик ва пишиқлик хусусиятларини йўқота боради. Чўзилган ва пишиқлигини йўқотган плёнка эса намликни кўпроқ ўтказиб беради. Бу эса каркаслар, агар чидамсиз материалдан бўлса, ярқоқ ҳолатга келиб қолишига сабаб бўлади. Иссиқхоналар тепа қисмининг шаклига ҳам алоҳида эътибор қаратиш лозим. Томни ясси қилиш ярамайди. Чунки плёнка хоҳлайсизми йўқми, оғирликка бардош беролмайди.

Бу, ўз навбатида, ёмғир сувларининг тўпланиб қолишига, қорнинг тушиб кетмаслигига олиб келади. Қолаверса, иссиқхона ичида ҳаво айланиши яхши бўлмайди. Томи ясси иссиқхоналарда иссиқ ҳаво юқорида, совуғи эса пастда тўпланиб тураверади. Бу борада арка кўринишида ёпилган иссиқхоналар тавсия этилади. Бунда ҳаво айланиши кўнгилдагидек бўлиши баробарида, ёмғир ва қор сувлари тўпланиб қолмайди.

Иссиқхонада нима етиштиришдан қатъи назар, ҳавонинг айланиши муҳим аҳамиятга эга. Айниқса, қуёшли кунларда иссиқхона қизийди ва ўсимликларга тоза ҳаво керак бўлади. Бундай пайтда плёнканинг чекка қисмлари камгина очилса кифоя. Оқшом эса фақат бир ёндаги плёнкалар туширилиши керак. Аммо очиладиган туйнуқлар икки метрдан пастда бўлмаслигига эътибор қаратиш шарт. Сабаби, плёнкалар ўсимликларни фақатгина совуқдан эмас, балки турли зараркундалардан ҳам ҳимоя қилади. Туйнуқлар белгиланганидан пастроқда бўлса, уларнинг иссиқхонага киришига имкон туғилади. Шунингдек, иссиқхона атрофида бегона ўтлар бўлмаслигига алоҳида эътибор қаратиш шарт. Мабодо, иссиқхонагизда зараркундаларнинг “изи”ни сезгудек бўлсангиз, сабабини туйнуқ ва унинг атрофидаги бегона ўтлардан кидиринг. Бундан ташқари, иссиқхонага кирувчиларнинг сони қанча кам бўлса, шунча яхши. Иссиқхонага кираверишда оёқ кийими учун дезинфекция қилинган нам гиламча ташлаб қўйиш ҳам яхши самара беради.

Иссиқхонани ёпишни чекка қисмлардан бошлаган маъқул. Монтаж ишлари аркаларни жойлаштиришдан бошланади. Бунда аркалар орасидаги масофа уч метрдан ошмаслиги шарт. Акс ҳолда плёнкалар вақт ўтиши билан таранглигини йўқотади. Аркаларни бирлаштириш учун томга тўрт қатор арматура пайвандлаш



### ҚИСҚАЧА МАЪЛУМОТ:

*Иссиқхона — ноқулай иқлим шароитида экинларга сунъий муҳит (ҳарорат, ёруғлик, намлик ва б.) яратадиган иншоот. У ойнали ёки полимер плёнка, стеклопласт билан ўралган бўлади. Ёғоч ёки темир, пўлат, алюминий каби металл ускуналардан тикланади. Иссиқхоналарнинг кўплаб тури мавжуд. Фойдаланиш муддати ва давомийлигига қараб — қишки ҳамда баҳорги; вазифасига кўра — кўчат ўстириладиган ва сабзавот етиштириладиган; ўстириш технологиясига қараб — тупроқли ва гидропон; ички жиҳозларига қараб — сўкчакли ва тупроқли турларга бўлинади. Юртимизда асосан, помидор, бодринг, резавор экинлар, сабзавот ўсимликлар кўчати, шунингдек, лимон ва манзарали ўсимликлар етиштиришда фойдаланилади. Қишки иссиқхоналар йил бўйи фойдаланишга мўлжалланган бўлиб, металл ёки темир-бетондан ишланади. Баҳоргилари енгил конструкциялардан сабзавотлар ерда ўстириладиган қилиб қурилади. Биологик иссиқлик ёки қуёш нури билан иситилади.*

кифоя қилади. Лекин плёнка тортишга шошилмаслик лозим. Аввало, каркасни мустаҳкамлаш керак. Чунки тўрт қатор арматура фақатгина аркаларни бирлаштириб турибди, холос. Шу боисдан том билан каркасни арматура билан бир-бирига мустаҳкамлаб чиқиш керак. Айтайлик, сиз карам экомқчи бўлсангиз ушбу иссиқхона кифоя қилади. Лекин помидор ёки бодринг етиштиришга ярамайди. Сабаби, уларнинг кўчатлари юқорига қараб ўсгани учун иссиқхона ичидан қўшимча устунлар ўрнатилиши керак. Аркаларнинг ўзини ҳам бир-бирига боғлайдиган арматуралар пайвандлиги, улар ўртасига металл сим тортиш шарт. Металл симларнинг қалинлиги 5 мм.дан кам бўлмаслиги керак. Агар у ингичка бўлса, ўсимлик ва ҳосилнинг оғирлигини кўтаролмайди. Томга ёпилган плёнканинг металлга тегмаслигига эътибор қаратинг. Сабаби, иссиқ кунларда металл қизиб плёнканинг сифатига салбий таъсир кўрсатади. Натижада плёнкалар салгина шамолга ҳам йиртилиб кетиши мумкин. Шунинг учун плёнка ва металлор орасига ёғоч брусчалар қўйиб кейин ёпиш тавсия этилади. Ёғочлар намда чиримаслиги учун маҳсул лак билан бўялади. Иссиқхона учун лозим бўладиган плёнкаларнинг сифати ва қалинлигига алоҳида эътибор қаратиш керак. У қанчалик қалин бўлса, шунча кўпроқ муддат фойдаланишга ярайд.

Иссиқхоналар бизнинг шароитда асосан техник услубда, яъни табиий газ, кўмир, электр энергияси билан иситилади. Улар орасида энг қимматга тушадигани бу электр энергиясидан фойдаланишдир. Аммо оддий печдан фойдаланиб ўтин

ёки кўмир билан иситиш анча қулай ҳамда арзон. Бунинг учун иссиқхона йўлакчасига пишиқ гиштан печ ўрнатиб, иссиқхона бўйлаб мўри ўтказилса кифоя. Бунда печ ва иссиқхона деворлари орасидаги масофа ярим метрдан кам бўлмаслиги керак. Сув билан иситилганда эса печ ўрнига сув иситиладиган маҳсул қозон ўрнатилади.

### ҚУЁШ ЭНЕРГИЯСИ ЭНГ МАҚБУЛИ

Бир сотихлик иссиқхонани қуёш энергияси билан иситиш учун нималар қилиш керак?

Бунинг учун узунлиги 18-20 метр, эни 6 метр бўлган майдон танланади. Тупроқ 20 сантиметр чуқурликда қовлангач, шу ернинг ўзидан эни 30-35 сантиметр, бўйи 45-50 сантиметр бўлган пойдевор кўтарилади. Шундан сўнг икки ён томонга 2,8 ёки 3 метр баландликда 8 тадан устунлар ўрнатилади. Устунларнинг ҳар иккаласи ораллиғида баландлиги 80 сантиметр ва эни 40 сантиметрликдаги шамоллатгич (туйнуқ) қолдирилиб, пишиқ гишт ёки пахса девор билан бекитилгач, сувоқ қилиб ташланади.

Иссиқхонани ёпиш учун устунлар устига кенглиги 5-8 сантиметрликдаги металл узунасига пайвандланади. Бу икки томонлама қўйилганда 1 сотих ерга 36 метр металл кетади дегани.

Иссиқхонанинг энига мос ҳолда ярим (цилиндрик) 1,2-1,5 сантиметр диаметрли симлардан қопламалар тайёрланади. Улар ҳар 1,5 метр ораллиқда жойлаштирилади. Сўнгра бу қопламалар симлар ёки полиэтилен иплар билан боғланиб, бирлаштирилади. Уларнинг устига 0,1-0,2 миллиметр қалинликдаги оқ полиэтилен плёнкалар ёпилгач (шамол кўтармаслиги

учун), устидан полиэтилен иплар тортилади. Шу тариқа иссиқхона ташқи томондан тўлиқ қад ростлайди.

Иссиқхона ичига тупроқ ости иссиқлик аккумулятори ўрнатилади. Унинг тузилиши қуйидагича: узунлиги 5 метр ва диаметри 0,25 метр бўлган металл каркаслар диаметри 8-10 миллиметр бўлган симлардан цилиндрсимон кўринишда тайёрланади. Иссиқхона ичида кенглиги 0,4 метр, чуқурлиги 0,5 метр бўлган канал қазилиб, унга қора полиэтилен плёнка ёйилади ва цилиндрсимон каркас шу каналга туширилади.

Цилиндрсимон каркас қурилмаси қайроқ тошлар билан тўлдирилади ва унинг устидан илгари ёйиб қўйилган қора полиэтилен плёнка ўралади. Шу тариқа тупроқ ости қайроқ тошли иссиқлик аккумулятори ҳосил бўлади. Бунинг ҳам атрофлари гўнг, тупроқлар билан тўлдирилади. Сўнг тупроқ билан тўлиқ ёпилади.

Бундай иссиқлик аккумуляторлари иссиқхона ичининг ҳар 1,5-2 метрида жойлаштирилади. Уларнинг бир томони ер остида олдиндан тайёрлаб қўйилган эни 0,4 метр ва чуқурлиги 0,5 метр бўлган асосий қувурга бирлаштирилади. Бу қувурнинг ён атрофлари, ости ва устига бетон қоришмаси қўйилади. Улар ўз навбатида йўлак вазифасини ҳам ўтайди. Иссиқхона ичида ўрнатишга қуввати 1,5 киловатт бўлган вентилятор унинг юқори қисмидаги иссиқ ҳавони карнайсимон труба орқали сўриб олиб, асосий қувурга ҳайдайди. Сўнгра бу иссиқ ҳаво тупроқ ости қайроқ тошли иссиқлик аккумуляторларига тақсимланади.

Бир қаватли полиэтилен плёнка билан қопланган, бир сотихлик қуёш энергияси билан иситиладиган иссиқхона тиклаш учун (металл, симлар, таянч устунлари, бетон қоришмалари, пайвандлаш, тупроқ ишлари) кетадиган сарф-харажат 350-400 минг сўмдан ошмайди. Бунга полиэтилен плёнка, транспорт харажатлари ва мутахассисларнинг иш ҳақи қўшилса, иссиқхонанинг жами нархи 700-750 минг сўмга боради.

**Ақбар ҚАРШИЕВ  
тайёрлади.**



# Туттаётган умр



**Соғлиқни сақлаш вакиллари фикрича, кунига бир донна сигарет чеккан инсоннинг умри 5-6 дақиқага қисқариб, бу кунига ўн доннадан кўпроқ тамаки чеккан кишилар орасида саратон касаллиги 8 марта кўп учрашига замин яратади. Ҳар йили дунёда чекиш оқибатида юзага келган касалликлардан 2,5 миллион киши ҳаётдан кўз юмиши эса ўта ачинарли ҳолат. Сўнгги йилларда дунё миқёсида алкоғолли ичимликлар ва гиёҳванд моддаларга қарши кураш кампаниялари авж олди. Кўплаб мамлакатларда ичкиликка ружу қўйганлар ва гиёҳвандларни бепул даволаш марказлари фаолият юритмоқда. Гиёҳванд моддалар савдоси учун қонунларда жуда қаттиқ, айрим давлатларда ўлим жазоси белгиланган.**

Бугунги кунда мамлакатимизда ҳам чекишга қарши кураш оммавий тус олган. Чунинчи, фуқароларимизнинг қарийб 60 фоизини ташкил этувчи ёшларни бу каби салбий одатлардан сақлаш, соғлом турмуш тарзини тарғиб қилиш борасида тегишли ташкилотлар ҳамкорлигида режали вазифалар амалга оширилмоқда. Айниқса, ушбу саъй-ҳаракатларга қаратилган бир қанча норматив ҳужжатларнинг қабул қилинганлиги мазкур жараёнларнинг изчиллигини таъминламоқда, дейиш мумкин. Хусусан, 2011 йил 5 октябрда қабул қилинган “Алкоғол ва тамаки маҳсулотларининг тарқатилиши ҳамда истеъмол қилинишини чеклаш тўғрисида”ги Қонуннинг 13-моддасида алкоғол ва тамаки маҳсулотларини 20 ёшга тўлмаган шахсларга, таълим, спорт ва диний муассасалардан 500 метрдан кам бўлмаган радиусда жойлашган савдо объектлари томонидан реализация қилиш мумкин эмаслиги белгилаб қўйилган. Ушбу қоида аҳоли, айниқса, ёшлар онгига соғлом турмуш тамоийилларини чуқур сингдириш, фуқароларнинг репродуктив саломатлигини муҳофаза қилиш, жисмонан ва руҳий жиҳатдан соғлом, баркамол авлодни воьга етказиш борасида олиб борилаётган саъй-ҳаракатларга ҳамоҳанглиги билан аҳамиятлидир, десак янглишмаймиз. Қонунга мувофиқ, иш жойларида, соғлиқни сақлаш, таълим, спорт-соғломлаштириш муассасаларида, ёнғин чиқиш хавфи бўлган

нуқталарда, жамоат жойларида, жамоат транспортининг барча турларида тамаки маҳсулотларини истеъмол қилиш тақиқланади. Шунингдек, 20 ёшга тўлмаганларга тамаки маҳсулотлари сотилмайди, тамакига қарам бўлиб қолган шахсларга соғлиқни сақлаш муассасаларида тиббий-санитария ёрдами кўрсатилади.

Шунингдек, ноябрь ойининг ҳар учинчи пайшанбаси халқаро чекишни ташлаш кунини сифатида нишонланиши ҳам бу иллатдан кишиларни огоҳ этиш ва шу орқали жамиятда соғлом турмуш тарзини қарор топтиришга қўйилган қадамдир.

— Чекиш нафақат умр заволи, балки гиёҳвандлик сари биринчи қадамдир, — дейди Республика Наркология маркази бош шифокори муовини Ёқубжон Сариков. — Бу кашанда одамнинг ҳар бири кейинчалик гиёҳванд бўлиб кетади, дегани эмас. Лекин энг ёмон иллатлар, аввало, шу каби майда нарсалардан бошланиши иш тажрибамиздан яхши аён.

Бизнинг марказимизда учта бўлим бўлиб, уларнинг ҳар бирида гиёҳвандлик балосидан қутулиш ниятида келган беморлар даволанишади. Шу билан бир қаторда беморларимизнинг 99,9 фоизи чекувчилар ҳисобланади. Шу сабаб, даволаш жараёнида беморларнинг чекишини камайтириш борасида белгиланган тартибда ишлар олиб борамиз. Яъни аста-секинлик билан сон миқдорининг камайиши орқали бемор нафақат гиёҳвандликдан, балки кашандалиқдан ҳам тузалади.

Ўз кузатишларимга таянсам, айни вақтда аҳоли, айниқса, ёшлар ўртасида чекишга бўлган муносабат ижобий томонга ўзгарган. Илгарилари ўспиринлар ўртасида чекишга бир олифтагарчилик, ўзини бошқалардан фарқли кўрсатиш учун маълум восита сифатида қаралган бўлса, ҳозир бунинг

**Тамаки пассив наркотик бўлиб, унинг таркибидаги 196 хил захарли модданинг 14 таси гиёҳвандлик моддаларидир. Айни пайтда Ер юзи аҳолисининг 4/1 қисми, яъни 1,3 миллиард киши чекувчидир. “Нью-Йорк таймс” газетасининг хабар беришича, бугун АҚШдаги ҳар ўн оиланинг еттита сигарет чекувчилар бор.**

**Россияда эркакларга нисбатан аёллар, айниқса, 30 ёшга ча бўлганларининг тенг ярми чекувчилардан иборат, демоқда РИА Новости агентлиги.**

**Франция ва Италия телекомпанияларининг бу борадаги фикрлари эса янада таассуфли. Унда Европада сигаретлардан чиқаётган захарли моддалар завод-фабрикалардан таралаётган захарли моддаларнинг бешдан икки қисмини ташкил қилаётганлиги қайд этилади.**

**Тамаки тутунида 4000 га яқин маълум кимёвий моддалар мавжуд. Ҳар ҳолда уларнинг 250 таси соғлиқ учун зарарли ҳисобланади. 50 та моддадан ортиги саратон касалини келтириб чиқаради.**



хос замин яратмоқда.

Мутахассис фикрларига таянса, бугунги ёшларимизнинг бу масала юзасидан фикри қандай. Улар кашандалиқнинг зарари ҳақида қай даражада хабардор. Уларнинг айримлари га юзландик.

— Чекишнинг зиёни ҳақида сўз очсак, кўз олдимда буркиситиб тутатаётган, бу билан ўзи ва ўзгаларга зарар келтираётган кимсалар гавдаланади, — дейди талаба Мирсаид Мирсаъдуллаев. — Ўпка саратони, юрак хуружи, мия томирларининг ёпилиши каби бир қанча нохуш ҳолатларни юзага келтирувчи бу одат ташқи кўришимизга ҳам салбий таъсир кўрсатади. Айни ўқиб, изланиб ўрганадиган ёшлик палласида бу каби одатлардан холи бўлишимиз нафақат танамизга, балки руҳиятимизга ҳам фойдали, деб ўйлайман. Ўзи билиб-билмай шунга ружу қўяётган ўртоқларимизга эса шу зормандага кетадиган маблағга маънавиятини тўлдирадиган ва унга фақат фойда келтирадиган китоблар харид қилишларини истаган бўлардим.

— Чекишнинг зарари ҳақида биламан, бироқ уни ташлашга негадир ҳаракат қилиб кўрмайман, балки менда бунинг учун ирода етишмас, — дейди ўзини Азиз деб таништирган талаба. — Бу ишни мактаб давримда тенгдошларимга тақлид қилиб, шунчаки қизиқиш билан бошлаганман. Кейинчалик бу менда ўрганиш ва кўникмага айланди. Ҳозирча менда бунга бир монелик, эҳтиёж йўқ. Айтмоқчиманки, чекиш мен учун у қадар муаммодек кўринмайди. Агар бунга соғлимим ёки шароитим сабаб мажбур бўлсам, балки ундан бутунлай воз кечарман.

Фикрлар турлича, муносабатлар ҳам. Мухими, ёшларимизда ҳозирча шунчаки тақлидга асосланган ҳаракатлар вақт ўтиб, бир умрлик заволи тақдирга айланмасин. Бу эса ҳар кимнинг ўзига, кунт ва иродасига боғлиқ.

**Наргиза АСАДОВА,**  
“Туркистон-пресс” муҳбири.

## ТАШКИЛОТЛАР ВА КОРХОНАЛАР ДИҚҚАТИГА!

### ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ СУД ҚАРОРЛАРИНИ ИЖРО ЭТИШ, СУДЛАР ФАОЛИЯТИНИ МОДДИЙ-ТЕХНИКА ЖИҲАТИДАН ВА МОЛИЯВИЙ ТАЪМИНЛАШ ДЕПАРТАМЕНТИНИНГ ҚАШҚАДАРЁ ВИЛОЯТИ ХУДУДИЙ БОШҚАРМАСИ ҚУЙИДАГИ ОБЪЕКТ БЎЙИЧА ПУДРАТЧИ ТАШКИЛОТНИ ТАНЛАШ ЮЗАСИДАН ОЧИҚ ТАНЛОВ САВДОЛАРИ ЎТКАЗИЛИШИНИ ЭЪЛОН ҚИЛАДИ

**1. «Суд ижрочиларининг Чироқчи тумани бўлими маъмурий биносини капитал таъмирлаш».**

**Объектнинг бошланғич нархи:** ҚҚС билан 346.458.487 сўм, ҚҚСсиз 288.715.406 сўм. **Курилиш муддати** – 5 ой.

**Объектнинг курилиш ишларини молиялаштириш:** Судлар ва адлия органларини ривожлантириш жамғармаси маблағлари ҳисобидан амалга оширилади.

**Буюртмачи:** Ўзбекистон Республикаси Адлия вазирлиги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаментининг Қашқадарё вилояти ҳудудий бошқармаси.

**Манзили:** Қашқадарё вилояти Қарши шаҳри Хонобод шоссеси 3-уй. Телефон/факс: (0-375) 223-11-38.

**Давлат бюджети ва бошқа марказлашган маблағлар ҳисобидан молиялаштириладиган капитал таъмирланган объектларда кичик бизнес субъектлари квотаси 100 фоизни ташкил этади.**

**Танлов савдоларида қатнашиш учун талабгорлар қуйидаги шартларга:** танлов савдолари предметининг 20 фоизи миқдоридидаги айланма маблағларнинг ёки кўрсатиб ўтилган маблағларни беришга банк кафолатномасига, ишлар (хизматлар)ни бажариш учун зарур бўлган меҳнат ресурсларига ва мутахассисларнинг мавжудлигига, етарли касбий ва техникавий малака, молиявий имкониятларга, шартнома тузиш юзасидан фуқаролик – муомала ҳуқуқий лаёқат ва ваколатларга эга, тажрибали ва ишончли бўлишлари шарт.

**Танлов савдоларида мамлакатимиз ва чет эл курилиш ташкилотлари ва фирмалари иштирок этганда, уларнинг танлов таклифлари баҳоланганда мамлакатимиз пудратчилари учун қуйидаги нарх преференциялари кўзда тутилади:** танлов иштирокчиларининг таклифларини баҳолаш жараёнида танлов таклифларида четдан ишлар (хизматлар) киритилиши кўзда тутилганда ва бунда импорт қилувчилар қонунга мувофиқ

қўшимча қиймат солиғидан озод этилган бўлса, таклиф қўшимча қиймат солиғи суммасига қўшиб ҳисоблаган ҳолда баҳоланади.

Савдода қатнашиш ва танлов ҳужжатларига эга бўлиш учун сўровнома билан савдо ташкилотчиси – «Давархитектурилиш» кўмитасининг курилишда танлов савдолари ва нархларни шакллантириш Қашқадарё вилояти ҳудудий консалтинг марказига қуйидаги манзил бўйича мурожаат этиши мумкин: Қарши шаҳар Хонобод шоссеси кўчаси 46А-уй. Телефон/факс: (0-375) 224-05-24, 224-18-33.

Бир тўплам танлов ҳужжатларининг нархи – 90 000 сўм. Таклифлар (офёрталар)ни савдо ташкилотчиси га тақдим этишнинг охириги муддати – офёрталар очилиши кунини ва соати.

Таклифлар (офёрталар) очилиши эълон матбуотда чоп этилган кундан бошлаб 30 кундан кейин буюртмачи манзилида ўтказилади.

ЭЪЛОН

ТАШКИЛОТЛАР ВА КОРХОНАЛАР ДИҚҚАТИГА!

**ЎЗБЕКИСТОН РЕСПУБЛИКАСИ МУДОФАА ВАЗИРЛИГИ КАПИТАЛ ҚУРИЛИШ ВА ФЙДАЛАНИШ БОШҚАРМАСИ ҚУЙДАГИ ОБЪЕКТИ ТАЪМИРЛАШ БЎЙИЧА ПУДРАТЧИ ТАШКИЛОТНИ ТАНЛАШ ЮЗАСИДАН ОЧИҚ ТАНЛОВ САВДОСИ ЎТКАЗИЛИШИНИ ЭЪЛОН ҚИЛАДИ**

**Сурхондарё вилояти "Какайди" қишлоқ аҳоли яшаш пунктидаги 35-сонли мактабга таълим муассасасини мукамал таъмирлаш.**  
**Объектнинг бошланғич нархи:** ҚҚС билан 1 466,294 млн. сўм, ҚҚСсиз 1 221,911 млн. сўм. **Қурилиш муддати** – 150 кун.

**Буюртмачи:** Ўзбекистон Республикаси Мудофаа вазирлиги капитал қурилиш ва фойдаланиш бошқармаси. Манзили: Тошкент шаҳри Университет кўчаси 1-уй. Тел.: 260-39-96.

**Объектнинг қурилиш ишларини молиялаштириш:** бюджетдан ташқари маблағлар ҳисобидан амалга оширилади.

2014 йил 1 июлдан бошлаб марказлаштирилган капитал қўйилмалар ҳисобига молиялаштириладиган объектларда қурилиш-монтаж ишларини амалга ошириш учун ўтказиладиган танлов савдоларига фақат "Қурилиш - пудрат ташкилотлари реестри"га киритилган қурилиш ташкилотларининг иштирок этишларига руҳсат этилади.

**Танлов савдоларида қатнашиш учун талабгорлар қуйидаги шартларга:** танлов савдолари предметининг 20 фоизи миқдориди айланма маблағларнинг ёки кўрсатиб ўтилган маблағларни беришга банк кафолатномасига, ишлар (хизматлар)ни бажариш учун зарур бўлган меҳнат ресурсларига ва мутахассисларнинг мавжудлигига, етарли касбий ва техникавий малака, молиявий имкониятларга, шартнома тузиш юзасидан фуқаролик – муомала ҳуқуқий лаёқат ва ваколатларга эга, тажрибали ва ишончли бўлишлари шарт.

**Танлов савдоларида мамлакатимиз ва чет эл қурилиш ташкилотлари ва фирмалари иштирок этганда, уларнинг танлов таклифлари баҳолаганда мамлакатимиз пудратчилари учун қуйидаги нарх преференциялари кўзда тутилади:** танлов иштирокчиларининг таклифларини баҳолаш жараёнида танлов таклифларида четдан ишлар (хизматлар) киритилиши кўзда тутилганда ва бунда импорт қилувчилар қонунга мувофиқ

қўшимча қиймат солиғидан озод этилган бўлса, таклиф қўшимча қиймат солиғи суммасига қўшиб ҳисоблаган ҳолда баҳоланади.

Савдода қатнашиш ва танлов ҳужжатларига эга бўлиш учун сўровнома билан савдо ташкилотчиси – «Давархитектқурилиш» қўмитасининг қурилишда танлов савдолари ва нархларни шакллантириш Сурхондарё вилояти ҳудудий консалтинг марказига қуйидаги манзил бўйича мурожаат этиш мумкин: Термиз шаҳар Тараққиёт кўчаси 31а-уй. Телефон/факс: (0-376) 223-44-73, 223-44-78 ф.

Бир тўплам танлов ҳужжатларининг нархи – 100 000 сўм.

Таклифлар (офёрталар)ни савдо ташкилотчисига тақдим этишнинг охириги муддати – офёрталар очилиши куни ва соати.

Таклифлар (офёрталар) очилиши эълон матбуотда чоп этилган кундан бошлаб 30 кундан кейин қуйидаги манзилда Термиз шаҳар Тараққиёт кўчаси 31а-уйда ўтказилади.

**Поставка и продажа тракторов МТЗ и сельхоз.техники производства Беларусь.**



**Гарантия Лизинг**

**Приглашаем к сотрудничеству региональных дилеров.**

Товары сертифицированы, услуги лицензированы.  
**Тел.: (99895) 170-08-50.**

**Заводские запчасти для тракторов МТЗ Производство Беларусь**



**Тел.: (99895) 199-31-66, (99893) 504-58-09**

**Продажа всех видов шин для грузовой и сельскохозяйственной техники.**



**Приглашаем к сотрудничеству региональных дилеров.**

Товары сертифицированы, услуги лицензированы.  
**Тел.: (99895) 170-32-52, (99893) 377-13-95**

**«BUXORO GLOBAL REALTOR» МЧЖ ОЧИҚ ТАНЛОВГА ТАКЛИФ ЭТАДИ!**

**Ўзбекистон Республикаси Вазирлар Маҳкамасининг 2011 йил 25 майдаги 147-сонли қарори ва Бухоро вилояти Бухоро шаҳар ҳокимининг 2013 йил 10 ноябрдаги 1519-сонли қарорига асосан юридик ва жисмоний шахслар тадбиркорлик фаолиятини амалга ошириш учун Савдо ва маийш хизмат курсатиш мажмуаси биноси қуриш учун ажратилган Бухоро вилояти Бухоро шаҳар М.Наршахий кўчаси ҳудудидида жойлашган 1 дона, 80,0 кв.метрдан иборат ер участкасининг доимий фойдаланиш ҳуқуқи танловга қўйилмоқда.**

**Ер участкасига бўлган ҳуқуқнинг бошланғич қиймати** — 67784 сўм.

Мажбуриятларнинг бошланғич ҳажми Бухоро шаҳар архитектура бўлими томонидан тайёрланган шахарсозлик топшириги асосида белгиланади. Шаҳарсозлик топшириги нусхаси талабгорларга танлов ҳужжатлари билан бирга тақдим этилади. Мажбуриятларни бажариш танлов голиби танлов мажбуриятларини бажариш тўғрисида шартнома тузилган кундан бошлаб 12 ой муддатда амалга оширилиши лозим.

Танловда иштирок этиш учун талабгорлардан буюртманомаларни матбуотда эълон қилинган кундан бошлаб, расмий иш кунлари (байрам ва дам олиш кунларидан ташқари) соат 10:00 дан 16:00 гача (тушлик вақти 13:00 дан 14:00 гача) қабул қилинади ва 2014 йил 22 декабрь куни соат 18:00 да тўхтатилади. Танлов қатнашчиларининг таклифлари қайд этилган конвертлар Бухоро шаҳар ҳокимлиги биносида 2014 йил 23 декабрь куни соат 11:00 да очилади, 2014 йил 23 декабрь куни соат 15:00 да

мазкур ҳокимлик биносида танлов голиби аниқланади. Комиссия томонидан танлов таклифи энг яхши деб эътироф этилган талабгор танлов голиби деб топилади.

Юқоридаги ер участкасининг доимий фойдаланиш ҳуқуқи 2014 йил 23 декабрдаги танловда сотилмаган тақдирда, унинг такрорий танлов савдоси 2014 йилнинг 30 декабрь куни соат 12:00 да бўлиб ўтишини олдиндан маълум қиламиз. Такрорий танловда иштирок этиш учун талабгорлардан буюртманомаларни қабул қилиш 2014 йил 29 декабрь соат 18:00 да тўхтатилади. Такрорий танлов қатнашчиларининг таклифлари қайд этилган конвертлар Бухоро шаҳар ҳокимлиги биносида 2014 йил 30 декабрь куни соат 11:00 да очилади, 2014 йил 30 декабрь куни соат 15:00 да мазкур ҳокимлик биносида танлов голиби аниқланади.

Ер участкасига бўлган чекланган (мажбуриятлар олинган) ҳуқуқлар мавжуд эмас.

Танловда қатнашиш истагида бўлган талабгорлар танлов ташкилотчисида танлов ҳужжатларини энг кам ойлик иш ҳақининг бир баробари миқдоридидаги ҳақ эвазига олади.

**Талабгорлар танловда иштирок этиш учун танлов ташкилотчисига буюртма хат билан бирга қуйидаги ҳужжатлар илова қилинган буюртманомани икки нусхада тақдим этади:**

- *юридик шахслар - давлат рўйхатидан ўтказилганлик тўғрисидаги гувоҳнома нусхаси, шунингдек, ваколатли вакилнинг шахсини тасдиқлайдиган ҳужжат нусхаси илова қилинган ҳолда унинг танловда қатнашиши учун қонун ҳужжатларида белгиланган*

*тартибда расмийлаштирилган ишончнома; - жисмоний шахслар - паспорт нусхаси (якка тадбиркор сифатида фаолият юритаётган жисмоний шахслар давлат рўйхатидан ўтказилганлик тўғрисидаги гувоҳнома нусхаси), танловда ваколатли вакил қатнашганда ваколатли вакилнинг шахсини тасдиқлайдиган ҳужжатнинг нусхаси илова қилинган ҳолда қонун ҳужжатларида белгиланган тартибда расмийлаштирилган ишончнома;*

*- танлов ташкилотчисининг банк ҳисоб-рақамига закат тўланганлигини тасдиқловчи тўлов ҳужжатидан нусха;*  
*- танлов ҳужжатлари талабларига мувофиқ тузилиб, муҳрланган конвертларга жойлаштирилган икки нусхадаги танлов таклифлари.*

Тақдим этилган ҳужжатларнинг барча варақлари талабгорнинг имзоси, агар талабгор юридик шахс бўлса, унинг муҳри ва ваколатли шахснинг имзоси билан тасдиқланган бўлиши керак.

**Танлов ташкилотчиси** - "BUXORO GLOBAL REALTOR" МЧЖ. **Манзили:** Бухоро шаҳар Мустақиллик кўчаси 10-уй. **Тел:** (+99893) 960-69-00, **факс:** (0-365) 221-54-43. **Электрон почта:** www.bgr.gl.uz. **Лицензия №** RL 0171.

Талабгорлар танловда иштирок этиш учун буюртманомани берилишидан олдин ер участкасига бўлган ҳуқуқ минимал қийматининг 10 фоизи миқдоридидаги закатлини закат келишувига асосан танлов ташкилотчисининг мазкур билдиришномада кўрсатилган қуйидаги банк ҳисобрақамига тўлашлари шарт: ДТ "Халқ банки" Бухоро филиали, ҳ/р: 20208000600251607001, МФО 00116, СИТР 302668377.

Тошкент ш. Яққасарой т. ТСРЎида (01.02.2013 й., реестр № 007047-11) рўйхатдан ўтган "ORION FOOD" МЧЖ (ИНН 302481983) 17.11.2014 й.даги умумий йиғилиш баённомасига асосан ўз фаолиятини ихтиёрли равишда тугатишини маълум қилади. Давволар 2 ой ичда +99871 280-51-77 тел.: орқали қабул қилинади.

ООО "INTEND BIZNES PLYUS" (ИНН 206502869) заргистрированное ИПСР Хамзинского р-на (№ 003079, реестр № 001185-07, 11.01.2013 г.) по адресу: г. Ташкент Хамзинский р-н ул. Строительная, 3, ликвидируется (решение протокола учредителей № 1 от 18.11.2014 г.). Претензии принимаются в течение 2 месяцев со дня публикации объявления.

Тошкент ш. М.Улугбек т. ТСРЎи томонидан (№ 04-015206, 30.11.1999 й.) қайта рўйхатга олинган "SAVDO ELEKTRONIKA" Шўъба корхонаси ташкилий-ҳуқуқий шакли "SAVDO ELEKTRONIKA" МЧЖ ШКга ўзгаратганини маълум қилади.

Утерьяные диплом и приложение к диплому В № 683140 выданные в 2013 г. Национальным университетом Узбекистана им. М.Улугбека на имя Turpanova Jasura Baxtiyarovicha, считать недействительными.

Тошкент ш. Шайхонтохур ТСРЎида (реестр № 002872-09, 25.09.2008 й.) рўйхатдан ўтган "ABUBAKIR-FARRUX BIZNES" ХКнинг (ИНН 300947030) ташкилий-ҳуқуқий шакли "ABUBAKIR-FARRUX BIZNES" МЧЖга айлантарилади.

Утерьянный угловой штамп ООО "SMART MAX GROUP" Сергелийского р-на, считать недействительным.

Тошкент ш. ҳокимининг ихроия маҳкамаси Ер муносабатларини ва қўчмас мулк кадастрини тартибга солиш бoш бошқармаси томонидан Набуханов Баходир Абдуқадирханович номига А.Икромов (ҳозирги Учтепа) т. Чилонзор даҳаси 24-мавзе 4-уй 36-хонадон учун берилган 1-318/2004 реестр рақамли кадастр ҳужжати йўқолганлиги сабабли бекор қилинади.

Утерьянный диплом ГТ-I № 266154 выданный в 1979 г. Республиканским Медицинским училищем им. Ахунбабаева на имя Ульмасовой Мухтар Абдуллаевны, считать недействительным.

ООО "CHINAR MADE" (ИНН 302059328) заргистрированное ИПСР ҳокимията Шайхантахурского р-на г. Ташкента расположенное по адресу: г. Ташкент Мирабадский р-н ул. Кичик Бешёғоч д. 303 сообщает об уменьшении уставного фонда с 220 516 000 сум до 70 000 000 сум (протокол общего собрания учредителей № 4 от 14.11.2014 г.). Тел.: +99890 999-72-11.

"Shocoseam" МЧЖ Устав фонди 447 500 000 сўмдан 5 344 000 сўмга камайитрилишини маълум қилади.

"Hasan and Husan Food" МЧЖ Устав фонди 907 589 329,81 сўмдан 4 580 000 сўмга камайитрилишини маълум қилади.

"IRS TRANS SERVIS" МЧЖ номига давлат рақами 01 347 NBA бўлган SINOTRUK автомобили учун берилган 1381039 ГПГ лицензия варақаси йўқолганлиги сабабли бекор қилинади.

Утерьянный аттестат Д № 829666 выданный в 1984 г. школой № 101 Чиланзарского р-на на имя Кабаковой Людмилы Геннадьевны, считать недействительным.

Утерьянный диплом АС № 075700 (рег. № 256) выданный 1998 г. СПТУ-37 на имя Шин Александра Владимировича, считать недействительным.

ООО "ТРИКОТТИ" (ИНН 302639111) сообщает об уменьшении уставного фонда с 42 614 000 сум до 4 306 000 сум. Претензии принимаются в течение 1 месяца с момента выхода настоящего объявления по адресу: г. Ташкент Чиланзарский р-н ул. Зухурполдон д. 3.

**SOTILADI:**

**QOG'UZ**

**OFSET 55,70. 80 gr.**  
**ETIKETKALAR uchun (UPM Finlyandiya) 80 gr.**  
**MELOVANNAYA 90, 115, 128, 148, 170, 200, 250 gr.**  
**QADOQLASH UCHUN (KRAFT) 60, 70, 80 gr.**  
**QOG'UZ QORCHALAR UCHUN (KRAFT) 60,70 gr.**

**Shuningdek, QALIN QOG'UZ**

**SYELLYULOZA 210, 230, 250, 270, 300 gr.**  
**DYUPLYEKS 250, 300, 350 gr.**

**«ABSOLUTE BUSINESS TRADE» ХК**

xizmat ko'rsatadi

Mahsulotlar sertifikatlangan  
Xizmatlar litsenziyalangan



**+99895 194-00-14,**

**ПРОДАЁТСЯ:**

**БУМАГА**

**ОФСЕТНАЯ 55, 70, 80 gr.**  
**ЭТИКЕТОЧНАЯ (UPM Финляндия) 80 gr.**  
**МЕЛОВАННАЯ 90, 115, 128, 148, 170, 200, 250 gr.**  
**УПАКОВАННАЯ (КРАФТ) 60, 70, 80 gr.**  
**МЕШОЧНАЯ (КРАФТ) 60, 70 gr.**

**А также, КАРТОН**

**ЦЕЛЛЮЛОЗА 210, 230, 250, 270, 300 gr.**  
**ДЮПЛЕКС 250, 300, 350 gr.**

Услуги оказывает:

ЧП «ABSOLUTE BUSINESS TRADE»

Товары сертифицированы  
Услуги лицензированы

**+99898 362-91-11**

► Биласизми?

# Организмнинг олти ҳимоячиси

Инсон саломатлигини таъминловчи олти модда бўлиб, улар организмдаги оксил, ёғ, углевод каби органик моддаларнинг парчаланишидан ҳосил бўлувчи қолдиқ моддалар, яъни эркин радикаллари зарарсизлантиради. Эркин радикаллар узоқ вақт давом этадиган стресслар, қаттиқ чарчоқ, нотўғри овқатланиш, экологик вазиятнинг ёмонлашуви оқибатида юзага келади. Таомномада сабзавот ва меваларнинг кўп бўлиши, эркин радикалларнинг зарари таъсирини анча камайтиради. Чунки бу маҳсулотлар таркибиди организмдаги оксидланиш жараёнини сусайтирувчи моддалар мавжуд.

**А витамини** кўзнинг шапқурлик хасталигини даволашда жуда самаралидир. Бундан ташқари, у қариш жараёнини сусайтириб, ўпка шиллик қаватини ҳимоялаш орқали, унинг турли касалликларга қарши чидамлилигини оширади. Соч, тиш ва милкларни мустаҳкамлайди. Сабзавот ва зираворлар, сабзи, балиқ, гўшт маҳсулотлари А витаминига бой ҳисобланади.

**С витамини.** Уни инсоннинг шахсий шифокори деб ҳам аташади. У беморнинг соғайиш жараёнини тезлаштириб, стрессдан ҳимоялайди. Жигар учун фойдали иммун тизимини мустаҳкамлайди. С витамини чаканда шарбати, қорағат, қизил қалампирда мавжуд. Мунтазам равишда янги узилган меваларни еб туриш, сабзавотларни хомлигида истеъмол қилиш организмда С витамини етишмаслигининг олдини олади. Бунинг учун яна кундалик рационга булғор қалампери ва помидорни ҳам қўшишни унутмаслик керак.

**Е витамини** мушак ва тўқималарни мустаҳкамлайди. Қон айланишини яхшилаб, катарактнинг олдини олади. Организмда янги ҳужайралар ҳосил бўлишини таъминлайди. Куйган жойларнинг тузалишига кўмак беради. Е витамини ўсимлик мойи, тухум, жигар, наъматак мевалари, олма ва нок уруғларида мавжуд.

**Д витамини** организмнинг энг яхши "тансоқчи"си. Ушбу витамин таъсирида суяк ва тоғай тўқимаси мустаҳкамланиб, терининг ҳимоя вазифаси яхшиланади. Мутахассисларнинг фикрича, ҳар куни тонгги кўёш нурида 30 дақиқа сайр қилиш, организмда Д витамини таъминланишини яхшилайди. Бу, айниқса, чақалоқларга, ёш болаларга жуда фойдали бўлиб, уларда рахит касаллигининг олдини олишда кўмаклашади. Балиқ, кўзиқорин, тухум, салат барги Д витаминига бойдир.

**Ликопин** дармондориси организм-

да етарли бўлса, ошқозон ҳамшиша ҳимоя остида бўлади. У саратон касаллигининг олдини олиш билан бирга, ошқозон яллиғланишини бартараф этади. Унинг бир кунлик меъёри 22 мг. дан иборат. Помидор, қайнатилган тухум, исмалоқ, карам, нўхат, пиёз, яшил салат барги ликопинга бой маҳсулотлардир.

**Рух** инсон иммун тизимига ижобий таъсир кўрсатади. У гармонлар ҳосил бўлишини фаоллаштириб, ҳужайраларда моддалар алмашинувини кучайтиради. Эркин радикаллар билан курашади. Рухни аёллар кунига 7 мг., эркаклар эса 10 мг. дан истеъмол қилишлари тавсия этилади. Рух қовурилган гўшт, пишлок, товук жигари, салат, сули бодрокларида мавжуд.

**Латофат САЪДУЛЛАЕВА** тайёрлади.



МУЎЛОҲАЗА

Бугун интернетда эртаю кеч банд бўладиганлар кўпайиб бормоқда. У ерда ёзилаётган 80-90 фоиз гаплар салбий маънога эга. Бу нима? Тўқликка шўхликми? Устимиз бут, қорнимиз тўк, озов ва обод ватанда тинчгина яшаб, яратилган имкониятлардан фойдаланиш ўрнига вақтимизни бемаъни ёзишмаларга сарфлашдан нима фойда оляпмиз? Энг ачинарлиси, айнан мана шу ёзишувлару танишувларга мосланган сайтлар баъзи бир оилалар тинчлигига нифоқ солмоқда. Қандай қилиб дейсизми?

## ҲИНАШМАГИН... ИНТЕРНЕТ БИЛАН

Бир яқин ўртоғимнинг опаси турмушга чиққан ва икки фарзанднинг онаси. Қизиқибми ёки бекорчиликданми "odno"га киришни одат қилибди. Бунинг учун ўз профилини бошқа бир ном билан айтибди. Кимларнидир лақиллатиш учун ўзи ҳақидаги маълумотларни ҳам ёлғондан ёзибди. Сурати қўйилмайдиган жойга эса чиройли ва ёшгина кизнинг суратини жойлаштирибди. Турмуш ўртоғини ишга кузатиб, у келгунигача сайтда ёлғон-яшиқ ёзишиб ўтирибди. Албатта, бу ерда ёлғон севги пайдо бўлади. Унга "сирлашиб" севги изҳор қилган "дўсти" ҳам шубҳасиз ростини эмас, ёлғонларни ёзиб, уни лақиллатиб ўтирган. Бир кун келиб бу икки "дўст"нинг бир сабаб билан асл башаралари очилиб, эр-хотин эканлиги маълум бўлади. Натижада, битта аҳил ва иноқ оила бузилди. Мана сизга ҳазил... Эр ва хотин қилмишига яраша жавоб олди, дермиш. Аммо ўртадаги икки норасиданинг тақдирини энди не кечади?

Тунда телефон гўшагини кўтарган бола-чақали аёлнинг ҳам ҳуши бошидан учганини биламан. Гўшақни олса бир йигит севги нолаларини бошлаб кетибди. Хай-хай, нима деясан деса, ҳозиргина интернетда танишиб, телефон рақамингизни бериб, хоҳлаган пайтингизда кўнги-роқ қилаверинг дегандингиз-ку, дермиш. Бу ҳам ҳалигига ўхшаш. Кимдир ишқ-муҳаббат дастурхонини очиб, беғона аёлнинг телефон рақамини ўзиники деб алдаб қўйган.

Ахборот маконида содир бўлаётган юқоридаги каби кўнгилисизликлар кишининг дилини хира қилади. Ахир ҳар қандай нарсангиз ҳам чегараси бўлади. Наҳотки интернет ҳам бизга берилган юксак имконият эканини тушуниб етмаган бўлсак? Ундан оқилна ва тўғри мақсадда фойдалансак, бундай кўнгилисизликларга дуч келмасмиким? Сиз нима дейсиз?

**Света ЎРИНОВА**

Пахта селекцияси, уруғчилиги ва етиштириш агротехнологиялари илмий-тадқиқот институти жамоаси институтнинг "Хоразм илмий тажриба станцияси" директори Равшанбек Каримовга волида муҳтарамаси **Шарипа ая РАҲИМОВА**нинг вафоти муносабати билан таъзия билдиради.

### ЭЪЛОНЛАР

Утеранный план квартиры по адресу: г. Ташкент Сергелийский р-н Сергели-7 д. 69 кв. 14 выданный Сергелийским БТИ на имя Чесноковой Марии Андреевны, считать недействительным.

Утеранный план квартиры по адресу: ул. Бунёдкор, 39 кв. 15 выданный Чиланзарским БТИ на имя Садинова Сохибжона Ишқабуловича, считать недействительным.

Тошкент ш. Олмазор т. ҳокимияти ТСРҲИ томонидан (реестр № 3039-05, 12.04.2011 й.) рўйхатга олинган "QALDIRG' OCH KOMMUNALCHI" ХУЖМШ Тошкент ш. С.Раҳимов т. ҳокимияти ТСРҲИ томонидан (29.04.2004 й., реестр № 000275-05) рўйхатга олинган "SHAROF-KOMMUNALCHI" ХУЖМШни ўз сафига бириштириб олишини маълум қилади. "QALDIRG' OCH KOMMUNALCHI" ХУЖМШ "SHAROF-KOMMUNALCHI" ХУЖМШнинг ҳуқуқий вориси ҳисобланади.

ЧП "EUROSNAV TECHNOLOGY" (ИНН 302055626) зарегистрированное отделом гос. регистрации субъектов предпринимательства хокимията Яшнабадского р-на г. Ташкента (№ 003448-07 от 14.07.2011 г.) расположенное по адресу: г. Ташкент ул. Фаргона йули 23/31 ликвидируется (решение учредителя от 19.11.2014 г.). Претензии принимаются в течение 2 месяцев со дня публикации объявления по тел.: +99890 920-10-72.

ООО "UNIVERSAL INDUSTRY GROUP" (ИНН 302509082) Яккасарайского р-на г. Ташкента сообщает об уменьшении уставного фонда с 544 884 500 сум до 415 722 500 сумов. Тел.: 281-41-71.

В соответствии с решением единоличного учредителя объявляется изменение правовой формы ДП "1-sonli Temir-Beton" на общество с ограниченной ответственностью "1-sonli Temir-Beton".

В соответствии с решением единоличного учредителя объявляется изменение правовой формы ДП "3-sonli Temir-Beton" на общество с ограниченной ответственностью "3-sonli Temir-Beton".

В соответствии с решением единоличного учредителя объявляется изменение правовой формы ДП "TA'MIRCHI" на общество с ограниченной ответственностью "TA'MIRCHI".

В соответствии с решением единоличного учредителя объявляется изменение правовой формы ДП "TOSHSARALASH" на общество с ограниченной ответственностью "TOSHSARALASH".

"KITOV TSEMENT" МЧЖ Ўзбекистон Хитой қўшма корхонасининг Устав фонди 150 000 АҚШ доллари-дан 66 009 АҚШ доллари яъни 111 147 655,62 тийинга камайтирилаётганини маълум қилади.

"MAN LOGISTIC SERVICE" МЧЖга тегишли 1426845, 1426846, 1426847, 1426852, 1426853, 1426854 лицензия варақалари йўқолганлиги сабабли бекор қилинади.

"KOREYSKIE INNOVATSIONNIE TEXNOLOGII" МЧЖга тегишли думалоқ муҳр йўқолганлиги сабабли бекор қилинади.

ООО "SAMD1 ORIGINAL SERVIS" Юнусабадского р-на сообщает об уменьшении уставного фонда с 40 000 000 сум до 5 000 000 сум. Тел.: +99893 385-82-76.



## ФОТОФАКТ



*Чилидаги "Safari Lion Zoo" ҳайвонот боғининг ноодатий қоидалари одамларни қафас ичида ўтиришга мажбур қилади. Бу пайтда эса йиртқич жонивор қафас атрофида эркин ҳаракатланади. "Safari Lion Zoo" ҳудуди деярли икки гектарни ташкил этиб, бу ерда олти шер яшайди.*

Бош муҳаррир:  
**Чори ЛАТИПОВ**

### МУАССИСЛАР:

Ўзбекистон Республикаси Вазирлар Маҳкамаси Агротехнология комплекси таркибидagi ҳамда шу тармоққа дахлдор вазирлик ва идоралар.

### ТАХРИР ХАЙЪАТИ:

Шухрат ТЕШАЕВ, Улугбек УЗОКОВ, Содикжон ТУРДИЕВ, Омонулло ЮНУСОВ, Фарход ОМОНОВ, Эркин КУДРАТОВ, Муса АНОРБЕКОВ, Абдиқабил ТАМИКАЕВ, Маҳмуд ТОИР, Ҳабиб ТЕМИРОВ (Бош муҳаррир ўринбосари), Анвар ҚУЛМУРОДОВ (Бош муҳаррир ўринбосари), Баҳодир ХОЛИКОВ, Ботир СУЛАЙМОНОВ, Муҳиддин АБДУСАМАТОВ (Масъул котиб).

### ТЕЛЕФОНЛАР:

Қабулхона — 236-26-50, Котибият — 233-95-17, Аграр масалалари бўлими — 233-76-78, Ижтимоий-сиёсий ва ҳуқуқий масалалар бўлими — 236-26-49, Маънавият ва маърифат бўлими — 236-26-35, Хатлар ва жамоатчилик билан алоқалар бўлими — 233-44-43, Факс — 233-44-43, 233-09-93.

### ХУДУДЛАРДАГИ МУХБИРЛАР:

Қорақалпоғистон Республикаси — (+99890) 592-62-04; Андижон — (+99893) 630-73-03; Бухоро — (+99891) 401-29-59; Жиззах — (+99890) 310-06-99; Навоий — (+99891) 332-00-88; Наманган — (+99890) 278-95-87; Фарғона — (+99890) 407-76-03; Самарқанд — (+99893) 994-57-08; Сирдарё — (+99894) 168-23-60; Сурхондарё — (+99890) 519-86-50; Тошкент — (+99890) 976-39-58; Хоразм — (+99890) 438-71-25; Қашқадарё — (+99891) 635-08-03.

Реклама  
ва  
эълонлар:

236-26-50,  
233-28-04.



Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган.

Навбатчи  
муҳаррир:

А.ҚАРШИЕВ

Мусаҳҳих:

Ҳ.АБДУҒАНИЕВ

Дизайнер:

Н.ТЕМИРОВ

Газета сешанба, пайшанба,  
жума кунлари чиқади.  
Буюртма Г-1119,  
ҳажми 2 босма табоқ.

Офсет усулида  
босилди, қоғоз  
бичими А-3.

Манзилимиз:  
100000, Тошкент,  
Матбуотчилар  
кўчаси, 32-уй

E-mail:  
info@qishloqhayoti.uz

Босишга топшириш вақти: 21.00  
Босишга топширилди: 22.05  
15955 нусхада босилди. Нашр индекси — 144

Газета тахририятнинг  
ўзида компьютерда  
терилди ва  
саҳифаланди.

"Шарқ" нашриёт-матбаа акциядорлик  
компанияси босмаҳонасида босилди.  
Манзили: "Буёқ Турон" кўчаси, 41-уй.

1 2 3 4 5